

INDWIMBO ZYA

WUKLISTU

MU

CINAMWANGA



African National Church of Zambia

CINAMWANGA HYMN

BOOK

First edition

2022

African National Church of Zambia
Print and Media Department
Head Office

ISONTELO LYA LWIMBO

Aleni musalifyanji; akuwalola mwe.....	37
A wa nkumbu wenga nye nsu.....	21
Awantu awakaliwaweni ulutanda...	8
A waweni wano wali na malanda...	27
Awazima wano wakukundana.....	50
Cisiku casila amasika yiza.....	4
Consi cino e Leza wakupa.....	5
E katula, E katula.....	60
E Leza mucemi wane.....	110
E Leza we ninga yitu....	3
E Yesu wankunda....	183
Izewezyo mu eden	62
Ilanzi lyawila.....	123
Imfinzi yapita impindi yasila ...	53
Imfumu yane ya luse...	79
Indifwa, ndale nsule utwinji...	128
Iwumba kul'alifumamu wuzya....	122
Iwungwe lililyonga, mweneco we Yesu...	49
Izewezyo mu Eden, pa winga wakwe Eve...	141
Izina lyanona nkani.....	177
Izwi lyako, Leza.....	228
Kali pano Leza wakunzile insi.....	39
Kanang'iviwipe utawembuka	95
'kana Yesu kakwasilwe....	58

Kapundu m'kasi muwangelo	10
Katula utancilila, zanga untule.....	76
Katusy' imilimo.....	105
Klistu we maka yane.....	92
Kul' akamwamba' ukutali pa kaya kakulu..		43
Kuli insi nzima mwi yulu....	129
'kulila kutupu kutanga kunkomole...	133
Kul' impongol' ili kwasi ikulangalilanga...		19
Kul' ulwito lwafuma kumbalama...	106
Kweni kul' akaya kazima	75
Leka njize kwakwe wewe...	121
Leza awa kusungi' cete....	123
Leza wavuli' inkumbu....	51
Leza' lukundo; wakunda wantu....	82
Leza Tata kulu witu.....	78
Lolani mu musuwa.....	9
Lola umwana wa Ng'ozu.....	28
Lumbulanji Yesu Katula	40
Lwang' isumo manda yonsi....	98
Mpalamile pakwe Leza wane....	90
Mukundwe Yesu, Katula....	56
Mukomozi, Mfumu yitu	113
Mu nsi moo tukuyimba....	126
Muntu wa maka ali kwi...	17
Mutize muwa womba iviwiipe.....	97
Muvwanjilanji' e Yesu	136
Muzimu mutele, twavwange sweswe..86

Mwemwe wana wa mfumu	132
Mwivwa kuno e Yesu wazyulupuka... 32
Nakunda kuno E Leza tata	83
Nakund'ukwivw'ilandwe	16
Namanyicisya Yesu wane.....85
Nandi ndamisuwila	115
Nanti ndi kupitanga	88
Nasenda uwucingane.....	94
Natamikanga nkaninye....	87
Nd' amelezyo ni tamyo vyakatuka....	117
Ndi naya kwe Yesu	63
Nivwa izwi lyako....	65
Njavwa nene	131
Nkakwimbilila Katula	23
Nkuku suwilanga we wa	74
Nkula nalol' ulupanda...	18
Nkula nawazya ilandwe	15
Nsi ni nson' ukuzumila Yesu....	86
Okoleza tukulolana moo...	59
Palamila mwenzu wane...	47
Palicifula icizima	22
Pali 'nsi yalusya yoyo...	125
Pano sweswe twinime....	20
Pano wasole wizile 'wusiku kwakwe Yesu..		12
Pano Yesu wiza wiza.....	34

Send' izina lyakwe Yesu..... 84
Sing'anga ali papipi..... 81
Suwilanji wasuwizi114
Tata uwanda wiza 48
Tata witu, twiza paa kwe mwemwe... 45
Tokwani vita mwensi103
Tontonganya ng'upakate sokulu... 99
Tukuya ku nsi mbal' intele...124
Tukuzevya tukupita....120
Tulila twafwa twinjile127
Tulumbule zambia..... 52
Tuzewe, tupepe Leza witu Muyane...	2
Twakululwa nu Katula.... 61
Twakuwunganila wewe, Tata zanga, we Mfumu			.46
Twinjila mu ng'anda yako yoo.... 44
Twivw' ilandwe lizima... 57
Ukulwa kwasil' ilelo... 31
Ukuswepa kwa mutondo kwankatusya nene... 54
Umucemi witu ali ninkumbu110
Uwanda wil' ilelo mupela mwafita....118
Uwapep' umutondo... 93
Uwe nani; kanonzikwafita..... 55
Vita vyakwa Klistu104
Wakolelanga pe wasungange...119
Wakwe Yesu uwacincila pe100

Walinj' a wanda wuzima...	80
Wamalizya umusinzo wako....	130
Wamusika wa Mfumu, lemasyani ukulwa...	101
Wasil' indulu ni vya cifumu...	13
Wazyanga mazwi mazwi	42
Wee Yesu, wee Yes' ilelo...	71
We Leza uli ni nkumbu	135
We mulungamane, wakazawana....	1
We Muzimu muyane.....	41
Weni wizile mu nsi? We Yes' e Katula...	38
We tata mulungamane	51
We tata tupepe	107
We tengenene tuma Muzimu	108
Wewe liwe lya wumi....	72
Weweni anganswefya....	25
Weweni wiza mu nsi, wino wakucindika...	35
Wino wazumila, wino wazumila...	67
Womb' umutontondo	96
Wumi wane wako Leza	116
Wuzye mwivwa awangeli	14
Yesu a ciwuzo citu....	91
Yesu akasi njiyule umwenzo	70
Yesu a mucemi witu muzimu	24
Yesu Imfumu inkukwita.....	112
Yesu mukundwe wane, leka njize..	73
Yesu nkukulambilizya....	77
Yesu tum' u m'zimu	134
Yesu wakwatizilwe mu Betlehem...	11

Yesu wavwanzile ati, uwize kwe nene...	..	66
Yesu wazyulupuka, Aleluya.....	30
Yesu wazyulupuka, wantu	29
Zanga kwakwe Yesu, akukulindilila	69
Zanji kwe Yesu, akawita pe	68
Zanji kwe Yesu, mutazimba	64
Zanji t'wakwimbila, Aleluya	36
Zanji wasuwizi mwize	7
Zewelani mwe	33
Zewelani mwe mu Mfumu	89

1.

- 1 We mulungamane, wakazawana!
Umutondotondo tukakulumbula,
We mulungamane, we kalanguluka!
Uli patatu, Leza muyane.
- 2 We mulungamane! Awako wonsi
wakakucindika, wakufukamanga; usi
na ku wando, ulipo kanonzi,
waya wowonye, we mukalasya.
- 3 We mulungamane, utakulolwa;
tusinakulol' uwukankala wako,
we mutele wenga; pasi winji awe,
wewe, we mwengu, we muyayaya.
- 4 We mulungamane, wakazawana,
vitumbulwa vyako vikukulumbula;
We mulungamane, we kalanguluka,
uli patatu, Leza muyane.

2.

- 1 Tuzewele, tupepe Leza witu muyane.
Amun' inkumbu zyakwe a zyawila nu
waca.

- 2 Tumu wizye monsi nye, we Leza Leza wenga.
- 3 Watumbul' insi yoo, na vyo vili mwenemo.
- 4 Ali ni vintu vyonsi, akulel' ivya wumi.
- 5 Wapepanga wasolwa, po walinji mwi yonde.
- 6 Akutulol' inkumbu, amuno swewawembu.
- 7 A cino tuzeweLe tumulumbule Leza.

3.

- 1 E Leza we ninga yitu, we kasunga witu, cingatenga insi 'sile tutize twatina.
- 2 Nanti myamba ikumpulwe, nu sumbi apome ni vintu vyonsi vilowe, swenji swe wumi pe.
- 3 Akaya kakwe e Leza katanga konowe, amuno Leza wa maka wikala mwenemo.
- 4 E Leza e tengenene wavula a maka, awakwe watangalowa akawakatusya.
- 5 Suwilanji kuno nene ne Leza konsinye, ndicindikwa mu nsi yonsi, na ku makandi nye.

4.

- 1 Cisiku casila, amasika yiza. Nyunyi zikwimbila, zikuzewela.
- 2 Lanzi likufuma, icisangalala. Cisiku casila, tuwazewela.
- 3 Nzimu zikusawa amaluwa yonsi, zili nu mulimo musanya wonsi.
- 4 Tulole ku nzimu naswe tuwawombe, milimo mizima, amanda yonsi.
- 5 We Leza mukulu watupa vyonsi, ndil' imyezo yitu imulumbule.
- 6 Tuwakusuwila na mu mfinzi nye, uli mumusanya, nu wusikunye.

5.

- 1 Consi cino e Leza wakupa, nawe munyosezye kamwi, wakup' uwumi ni vyakuzwala nawe munyosezye kamwi.

Naw' utawa nu lusoko akalela wanzala, utiz' uwe nu wukaka, sokolola kan' ulinako.

- 2 Utakwelengania pa vyakulya, weni wand'
akupe vinji Leza mwi yulu akukulola
wakupa cino ukulonda.
- 3 Fimi' icete utakwinuluka, wandi
akupoccelele umupe nu mwezo wako wonsi,
acino wen' akulonda.

6.

- 1 Wuzi' umwana mutuci
angasalifya Leza? Eta, ndi ne muzima,
ngakundi' inzila zyakwe
nkusalifya we Leza, nu mwezo wane wonsi.

We Leza witu, tukusalifye, we tata witu,
wasalipa.

7.

- 1 Zangi wasuwizi mwize muzewele, tuyani ni
cimwemwe ku bethlehem; kweneko kuli
Mfumu mu musuwa; tukamufukamile, klist'
Imfumu.
- 2 E muLeza-Leza, 'lukozyo luntasila, nanti
wakwasilwe mwe mwali wowo, asi ndivino
sweswe, wen'a mwengu.

- 3 Ntumi yimbilanji zewelani mwensi,
mulumbulanji, mwensi wa mwi yulu,
swensi tutumvye mukankala witu.
- 4 Tuwam' fukamila, wakwatilwa sweswe,
zina lyakwe Yesu liwalumbulwa, zwi
lyakwe tata lyawile muwili.

8.

- 1 Awantu awakali waweni ulutanda, awala
wakatuka aluwakolelela, Leza, leka naswe
nye tukolezwe kwe wewe.
- 2 Awaya kwe katula kuno walalisilwe
Apano wafukama swiny' awamucindika, avino
leka naswe tuwamufukamila.
- 3 Awamup' ivyawila pano walinji' a mwana
Acino cazipila naswe nye tufima, ivitu
tuwamupa, ng'uwufumu wukuzwe.
- 4 Wasambilizi wakwe wamukonkanga pe nye,
konsi kuno wayanga, a cino cazipila naswe
tuwamukonka ni myezo yitu yonsi.

- 5 Wanyewa 'awakali wafika ukuzimu; naswe
swe wa kanonzi tulisunkana nawo, twize
tumulumbule swensi apaliponga.

9.

- 1 Lolani mu musuwa kana katukwatilwa kana
ng'onzi kakwatwa katasilwe kali nye.

A wanda uwupepwe, uw'ikomolwa lyitu
wuno wizile kwatwa mu bethlehemu kali.

- 2 Win' ali mu musuwa Welewula vyonsi pyu;
a Mfumu nkazawane, wiza mu kutuswefya.

- 3 Mutunene, wacemi, llandwe lyinu 'zima
mwasya ing'onzi zyunu, a cani cino mwivwa?

- 4 Uwusiku pakasi twaweni ukuwala,
awangeli wizile wimbizile inkwatwa.

- 5 We mwana mwimicile, watukunzile wuli!
Pano wizile mu nsi kukusapula sweswe.

- 6 Ale tutungulule, tukukole wewe nye;
tuyicefye mu myezo, tupe nu luse lwako.

10.

- 1 Kapundu m'kasi mu wangelo
kwatwakwatwa e katula; nant' a wa mu nsi
watefilwe, siyame wawizila,

kalole mu musuwa, Mfumu ili mwe nemo;
kalole mu musuwa, Leza wawa muntu.
- 2 Awa vye wazan' umutende ni cimwemwe
mwi yulu; tengenene wiza mu nsi moo, ali
ponga na wantu.
- 3 Yivwa ulwimbo lwa mutende. Lukwimbwa
ni zewelo. Sankana ponga na wangelo,
uwacindika Leza.
- 4 Mu masano aya zyaMfumu. Utanga
umuzane; weni wazul' uwucindame; kinjile
muno ali.
- 5 E Leza wayicit' uwuntu, cino cakuzungusya:
Leza wafwa pa wucingane, cakuzunguka
nkani.

11.

- 1 Yesu wakwatilizwe mu betelehem, intumi
zyawizizye ziti, wakwatwa

Wakwatwa Yesu mu bethlehem, walazile mu
luwa, luwa lwa ng'ombe.

- 2 Ntumi zyalolesile na waceminye, wonsi
wawumbuzile inkwata yakwe.
- 3 Awacemi wasile in'onzi zyawo, pano
wivwile kuno Yesu wakwatwa.
- 4 Wantu wazungusile muno wacemi wasil'
ing'onzi zyawo, pano wakwatwa.
- 5 Naswenye twatefilwe mu mpanga zitu,
ilelo twivw' ilandwe, Yesu wakwatwa.

12.

- 1 Pano wasole wizile 'wusiku kwe Yesu,
awakwimbila ulwimbo awamucindika.
Umutende, wuwe mu nsi ku wantu wonsi:
pyu. Awantu awazewela pano wakwimbila.

- 2 Wafumile kwakwe Leza wiza wakwimbila.
Awantu wonsi wivwile 'wawa ni cimwemwe.
Awamulumbula 'Leza awamucindika kuno
wivwanga wasole wakwimbil' ulwimbo.
- 3 Wantu wali na malanda wakatamika pe.
Wakuluvyanga imyaka imyanda na myanda
awantu awa musika wakakwivw' ulwimbo.
Lekani icongo mwivwe ngeli zikwimbila.
- 4 Wano wali luwembu wakukana Yesu, amuno
wakuwombanga 'milimo ya mfinzi. Lolani
muwazewela awasole wiza. Yikalani
mwivwe kuno wakwimbil' ulwimbo.

13.

- 1 Wasil' indulu ni vya cifumu, pano wizanga
kwe nene, ukuwa masyo yatalinjipo kwe
wewe mu bethlehem: We Yesu, zanga mwe
nene, mul' amasyo yakwikala.
- 2 Pano 'wasole wimvile nkani iyulu
alyitawila; 'kuwa wizile ngat' a mupina,
wino akwikala mu nsi; We Yesu, zanga mwe
nene, mul' amasyo yakwikala.

- 3 Inyunyi zili ni visalanga, nawo wamumbw'
imicembo, ukuwa wewe 'citala cako
a pansu mu mavunje nye. We Yesu, zanga mwe
nene, mul' amasyo yakwikala.
- 4 Wizile Yesu, na mazwi yako
Ayakwikazy' uwupuma; wakuwoweke,
awakukanda, 'wakutwala pa kalvari: We Yesu,
zanga mwe nene, mul' amasyo yakwikala.

14. *Hark! What mean those holy voices*

- 1 Wuzye mwivwa awangeli, wakwimbila
imbila mwi yulu? Yivwani a wa mupela,
wakulumbula Leza.
- 2 Teyelezanyi amazwi, yakuzungusya nkani;
ukucindama mwi yulu: nu mutende mu nsi
moo.
- 3 Ukucindama kwe Leza; nu mutende ku
wantu, wonsi wano watetelwa. Wakutumvya
Imfumu.
- 4 Yesu wakwatwa ilelo wonsi wakumwimbila
weni a Mfumu wenganye; a Mfumu ya zya
mfumu.

- 5 Mwe wantu teyelezyani; landwe lyoo alizima. Namwenye mwe wa mwi yulu, lumbulanji Imfumu.
- 6 Lyoo alilandwe lyakwe. 'Lyakuzungusya nkani. Mulumbulanji a Mfumu; mwi yulu na mu nsi nye.

15.

- 1 Nkula nawazya ilandwe lizima, kuno Yesu walinji moo, na kuno witanga 'wana watici, nkuti nalinji kweneko. Wanga wik' ikasa pa mutwe wane, ankukule nu kunkukula, nang'indole kuno akulol' inkumbu, pan'akuti, zanga kwe nene.
- 2 Nanti napotwa kwakwe vyovyonye ingamulenga icikunzi, ndi nkumulondesya pano ndi kunzi, ndiya nkamulole mwi yulu. Muno waya mu kuyania amasyo ayakwe wano watetelwa; awana wavule wali mwenemo, amuno muli uwufumu.
- 3 Ukuwa 'wantu imyanda na myanda, wativwa masyo yayo nye, nkasi wivwe kuno a yakwe wonsi nu Yesu akasi waye, nkulucila nkani

'wanda wowo nye, wa cimwemwe kotaluvile,
pano awana watici mu nsi yonsi waliwungana
pe weliwe.

16. *I love to hear the story*

- 1 Nakund' ukwivw' ilandwe muno Yesu Klistu
wasizile mwi yulu, ayiza mu nsi moo, natonta
ne muwembu, ukuwa namanya wizile mu
kuntula amuno wankunda.

Nakund' ukwivw' ilandwe muno Yesu Klistu
wasizile mwi yulu, ayiza mu nsi moo.

- 2 Walinji a mucece, ndivino nene nye; wakunda
nene njana mu miwele yane, ndi nati
kamukonke pano ncili kunzi, atalitel' antaye,
amuno wankunda.
- 3 Nanti a nsi nye ndi' a yane ingacepesy'
ukumupa; cakula wuli cikunzi, cayana nu wumi
wane.

17.

- 1 Muntu wamaka ali kwi? Wino akusunda,
Yivwa! Wafwe, walwale wonsi, watontela,
wantonko wakulola, wakutwi wakwivwa,
walemale wakucina, wonsi wakuseka

- 2 Muntu wamaka ali kwi? Wanzala wikuta,
Wapefile ivyakulya, awavule walya: wapita
Papela minzi, wakatusya wafwe, wapozya
Walwale wonsi, wawasansamusya.
- 3 Muntu wamaka ali kwi? Asi ukutali, ali muno,
Ali naswe, akulindilila. Acili ali na maka,
Zanji kwe weliwe wafwe, watonte, walwale,
Lolani Katula.

18.

- 1 Nkula nalol' ulupando, luno Klistu wafwizile,
vino nkuti a vikulu, a visaluka nkaninye.
- 2 Akolele, ntatumbila cinji nkandi imfwa
yakwe; vyonsi vino navikunda, nimicila
tatakulu.
- 3 Akamba kakwe a myunga. Uwazi wakwe
awuzwa! Uwulanda ali nawo, ni cikunzi
kwakwe sweswe.
- 4 Nant a nsi nye nd' a yane ingacepesy'
ukumupa; cakula wuli cikunzi, cayana nu
wumi wane.

19. *Loving kindness*

- 1 Kul' impongol' ili kwasi ikulangalilanga, kuno wamusayisile, wandajizy' ulukundo. Inkumbu zyakwe a nkulu, wanjiyulila nene nye, nene, nene, wiyulila nene.
- 2 A mpongolo yakwe wano wakulond' ikomolwa; 'wawotoke, na wayimvi, na wantu wonsi nyene.
- 3 Nant' awalwani watange muwayipaticizya; mupocel' ivya Mfumu vino vitangasila.
- 4 Tulizevya ndi twafika ku cituntu cilya nye; twize tuwe swe walanzi; tuliwa ni cimwemwe.

20.

- 1 Pano sweswe twinime, 'minsozi yakupona pano tukulosesya, we wa wulanda twivwe.
- 2 Walinji nu muwili; walinji nu wulanda waponizye 'minsozi; we wa wulanda, twivwe.
- 3 Pano twiza twawafwa, twawasya kunzi koo, twawaya ukuzimu, we wa wulanda, twivwe.

- 4 Wakowozil' insingo: wazwisizye uwazi;
ulala, pa cintamfu: we wa wulanda, twivwe.
- 5 Pan' imyezo yatonta nu kutung' uluwembu,
imizimu yatina: we wa wulanda twivwe.
- 6 Lwakusonzizy' insoni 'luwembu lwakwe
wanji wawayimbila nkani: we wa wulanda,
twivwe.

21.

- 1 A wa nkumbu wenga nye nsu; watukunda!
Walusya na wana witu; watukunda! Awanji
wakatutamya, wasitukunda manda pe,
atatel'atucenjezye, watukunda!
- 2 Ukulond' ukumumanya; watukunda! Yipe
wewe kwe weliwe; watukunda! Uzye
m'lezyo yakulema, 'mawembuko
yakusovya? Yesu angakusapula watukunda!
- 3 Wafwile mu kukutula; watukunda! Atatela
'kusye wewe; watukunda! 'ciwuza cinji'
utalonda; milimo yakwe uwawomba;
m'landa yako akusenda. Watukunda!

- 4 Mawembuko yalifumwa; watukunda!
Awalwani waliwingwa; watukunda!
'kakulela ni vizima; utaliwa ni viwipe;
alikutwala mwi yulu; watukunda!

22.

- 1 Pali ciful' icizima cakwe Yesu Klistu; wano
wakusamba momo wasi nu luwembu.
- 2 Mung'o umufwe alola 'cifula 'secela; nani
nye indi ni nkota, nkasambe mpolesye.
- 3 "wazi wakwe Yesu Klistu wa vula a maka
kwe wonsi a wakwe Leza, ukuwakomola.
- 4 Nawela, nalol' uwazi wamawamba yako.
Nkwimbil' ukukunda kwako pano ne
mupuma.
- 5 Mwi yulu ndiwakwimbila maka yakwe Leza,
yakutula wonsi, wano wasuwila Yesu.

23. *I will sing of my redeemer*

- 1 Nkakwimbilila katula, ni cikunzi cakwe nye;
wafwile pa wucingane mukumpemulil'
imfwa.

Alenji, tuwakwimbila kwe Yesu mukomozi!
pa muti uwucingane, wamfwila, wankomola!

2 Nkawizya ilandwe zima, na kuno wandipila;
na swinya wantek' uwene, amuno
wankundisya.

3 Nkalumbula 'mukomozi, nkalandila wonsi
nye; muno wancimvizya imfwa, ni viwipe
vyonsi pyu.

4 Nkakwimbilila katula, kwe vino wancitila;
muno wanzyulupuzile, nawa ne mwana
wakwe.

24. *Tenderly the shepherd*

1 Yesu a mucemi witu muzima, akuvwamba
wonsi awasowe,

'kut' awatule, 'kut' awatule, wonsi awasowe
'kut' awatule. Wawe nu wumi, wawe nu
wumi, mwe weliwe nye wawe nu wumi.

2 Yesu a mweneco. Akwita wakwe, wano e
satana wakombezya?

- 3 E tata wa nkumbu watupa Yesu,
mukuvwamba wano wasowesya.

25. *What can wash away my stain?*

- 1 Weweni anganswefya? Nawumwi nkandi e
Yesu! Weweni angampozya?
Nawumwi nkandi e Yesu!

Weni a cifula anganswefya nene! Ntamanya na
winji, nawumwi nkandi e Yesu.

- 2 Nazana ukuswepa,
Nakonye a kwakwe Yesu! Kulambilizya konsi.
Nakonye a kwakwe Yesu!
- 3 Nazana umutende, nawo nye a wakwe Yesu!
Ntanga mbombe nacimwi, nkandi Yesu ndi
wanjavwa!
- 4 Nant' amutende wane, nawo nye a wakwe
Yesu! Nant' awulungamane, nawo nye a
wakwe Yesu!

26. *Weeping will not save me*

- 1 Kulila kutupu kutanga kunkomole. Nant'
akufumy' intete ni mfinzi nu ku yimba
vitanga visile

E Yesu wamfwizile Pa muti wucingane.
Wafwile ku kuntula ku mfwa ya muyaya

- 2 'milimo mitupu itanga inkomole, itanga
nswefy' umwenzo, nant' amapepo yane,
ntanga 'mbe ne mwengu.
- 3 'kwikala kutupu kutanga kunkomole. Ndi
nkulayizya wowo, ntanga njize intulwe ku
luwembu lwane.
- 4 'suwilo litupu 'lino lingankomola, Yesu
unjavwe nene ku kusuwila vyonsi vino
wancitila.

27. *Who, who are these beside the chilly wave*

- 1 A waweni wali na malanda, wano watonta
wakulosesya? We Yesu ututule, utupwizye
tuswepe.

Yesu 'tuswefye, uleke tukukole, utupwizye
mu wazi wako Zang' utuswefye,
uleke tukukole, utupwizye tuswepe.

- 2 'watici walinji ni cimwemwe, pano wazanile
e katula, wawapocelezele, awapwizya
'waswepa.
- 3 Wano wamuzanile katula, wawazewezizye,
awapwizya awap' imyezo mipya,
awapwizya 'waswepa.
- 4 A waweni wali na malanda, wakulosesya
wakuti Yesu, zanga Mfumu tutule, utupwizye
tuswepe.
- 5 Kanozi wonsi wal'umutende, ukuyimba ni
mfinzi vyasila. Amuno e katula awapwizya
'waswepa.

28.

- 1 Lola u mwana wa ng'onzi, wino wasend'
ukuwifya kwitu konsi!

Mwana wa ng'onzi, watusendela;
ukuwifya kwitu konsi.
- 2 Atup' umuwili wakwe; 'tavwanzile nanti
cimwi pa ku komwa.

- 3 Si lola pa wucingane; pano Yesu wacuzile pa kukomwa.
- 4 Si yivwani ukulila; kuno Yesu walizile, swe wantu.
- 5 Mu wazi wa Mfumu yitu, mul' amaka yakufumya uluwembu.

29.

- 1 Yesu wazyulupuka, wantu wonsi wazeveya, mwi yulu na munsu nye wonsi wamulumbula. Ulukundo lukulu lwacimvya maka ya mfwa lolani umusanya! Imfinzi yasila pyu.
- 2 Wantu wamuzisile, lelo wazyulupuka. Imfwa yasowa maka aya kukunga Yesu. Ali nu wumi swinya a cino tusitina imfwa nanti a nkungwe, maka yawo yasila.
- 3 Naswe tuliwakwela tuliwakonka Yesu we cilolelo citu we katula, we Mfumu. Mwe wangeli na wantu lamukani Imfumu; swensi tumulumbule Mfumu yitu ya wumi.

30.

- 1 Yesu wazyulupuka, aleluya! Awantu wakuzevya, aleluya! Waculanga pa muti, aleluya! Kukututula sweswe. Aleluya!
- 2 A cino tumulumbe, e Klistu Imfumu yitu, wafwile pa kalvari, kukupoka awantu.
- 3 Twalufuma ilelo, amuno waculanga, weliwe we kalonga, mwi yulu pa wasole.
- 4 Tumulumbule e Leza, na mwensi nye mwi yulu lumbulanji e tata, nu mwana nu muzimu.

31.

Aleluya, aleluya, aleluya

- 1 ukulwa kwasil' ilelo, katula wacimvya imfwa, tumulumbule ni ndwimbo. Aleluya.
- 2 Amaka ya mfwa yakula, lelo Klistu wayacimvya, tuwasantula amazwi aleluya.
- 3 Manda ya mfinzi yatatu yasila, wazyulupuka, tuwacindika Imfumu, aleluya.

- 4 Watusapula ku wuzya, watwiyulila kwi yulu, lekan' indwimbo zyivikwe, aleluya.
- 5 Oko Mfumu mututule amuno watuculila, lekani twikale nawe. Aleluya.

32.

- 1 Mwivwa kuno e Yesu wazyulupuka, wanyosile ku wafwe, ali nu wumi.

Nawuzye nawuzye wazyulupuka; nawuzye nawuzye ali nu wumi, ali nu wumi.
- 2 Mwe wanji nawuzye nye, ali nu wumi, mutize muvwilike, Yesu a mumi.
- 3 Wakalola wavule ku mfwa ya Mfumu waweni nawuzye nye, wazyulupuka,
- 4 Wawanenile ati, ndizyulupuka, pan' uwanda wa cititatu wafika.
- 5 Watili kwe mariya, ukulila ci? Kanene awawuyo nazyulupuka.

- 6 Wayuda waposilwe ku mfwa ya Mfumu,
wakasi wantu wanji watasuwila.
- 7 Wantu wasuwizile kuzyulupuka, naswe
tukusuwila, wazyulupuka.

33. *Rejoice and be glad! The redeemer has come*

- 1 Zewelani mwe! E katula wiza! Kalole pa
muti, na pa nkungwe nye. Lumbulani,
landani, muno wafwizile lumbulani,
secelani, wazyulupuka
- 2 Zewelani mwe! Musanya wawala! Mawingo
nayamwi, ni cisawo nye.
- 3 Zewelani mwe! 'wazi wakwe Yesu
wakomola sweswe, watulipila.
- 4 Zewelani mwe! Watupulumusya! 'muzima
wafwila wawipe wonsi.
- 5 Zewelani mwe! Yesu watufwila wanyasile
imfwa! Wazyulupuka.
- 6 Zewelani mwe! Kun' Imfumu yitu
ikutuvwanjila manda yonsi nye.

- 7 Zewelani mwe! Aliyiza swinya mu kusenda sweswe, ndi twamukunda.

34.

- 1 Pano Yesu wizawiza mu kukonganika, awakundwe, awatiswe, awana wakwe.

Waliwala ndivino intanda zya m'tondo waliwala mwi yulu amanda yonsi.

- 2 Yesu Klistu umucemi alikonganika wonsi wano wawafwila, awana wakwe.
- 3 Ndi twakunda e katula pano tuli kunzi aliyiza atusende tukawe nawe.

35.

- 1 Weweni wiza mu nsi, wino wakucindika?

AMfumu, tukuzunguka, we mwanakwe Leza, tukamufukamile, tuti, "a Mfumu yitu."

- 2 Weweni ali ni nzala, swinya 'li na ma landa?
- 3 Weweni ali ni nkumbu, wino wakumukunda?
- 4 Weweni' ali na maka ukupozya walwale?

- 5 Weweni akulosya nu mary nu marita?
- 6 Wewen'wakatusya e lazaro mu nkungwe?
- 7 Wewen' akusayikwa pa muti wucingane?
- 8 Weni wazyulupuka, waloleka ku wantu?
- 9 Weweni wakwezile kwe Leza wa mwi yulu?
- 10 Weweni aliyiza kukusenda waKlistu?

36.

- 1 Zanzi t'wakwimbila, aleluya! Amen! Ilumbo kwe Klistu, aleluya! Sweswe tusecele ni myezo na mazwi; akulond' ilumbo aleluya! Amen!
- 2 Yimbilani nkani, aleluya! Amen! Lumbulani Yesu, aleluya! Amen! A ciwuzwa citu, we kakolelela; we katula witu; aleluya! Amen!
- 3 Muwawizy' ulwimbo, aleluya! Amen! Santulani' amazwi aleluya! Amen mwensi secelani pa Mfumu ncindame; ikutwivwa sweswe, aleluya! Amen.

- 4 Muwamulumbula; aleluya! Amen! Watukunda sweswe; aleluya! Amen! Lwimbo lwitu imfwa italilusya; tuliwakwimbila, aleluya! Amen!

37.

- 1 Aleni, musalifyanji; akuwalola mwemwe;
Mulumbulanj' amanada pe, kuno wawa
Ni nkumbu.
- Lumbulanji, lumbulanji, e Yesu Tatakulu
Lumbulanji, lumbulanji, e Yesu Tatakulu.
- 2 Pano wasile mu mwao, pano wawanga mu
Nsi,watic' awamulumbula, akunda nu kukunda.
- 3 Walanga wanaci kali, watwal' utwana
Twawo, Yesu atupocelela, atu
Zewezya tonsi.
- 4 Mupela mwi yul' intumi zikamulumbulisya,
'myanda na myand' ikamupepa
Ikumusalifyanga.
- 5 Mwe watici zewelANJI kwe Katul' uwa maka,
Mwembe mwize mulolane,
Muwamulumbulisya.

38. *Who came down from heaven to*

- 1 Weni wizile mu nsi? We yes' e katula. Weni wizile kwatwa? We yes' e katula.

Santulani ulwimbo, watufumya mu wuzya; pasi winj' umulusye, nkandi Yesu Klistu.

- 2 Weni wasayisilwe? We yes' e katula.
Ku kutula a wantu, we yes' e katula.

- 3 Weni akatetela? We yes' e katula. Wano wakusuwila, we yes' e katula

- 4 Wen' Mfumu kanonzi? We yes' e katula.
Ngatutontele weni we yes' e katula.

- 5 Wen' aliyiza swinya? We yes' e katula. Asende wantu wakwe, we yes' e katula.

39.

- 1 Kali pano Leza wakunzile insi,
Watumile Yesu e katula witu, Tucindike Yesu.
Tucindike Yesu! Tucindike Yesu.

- 2 Mwe wana wa mu nsi, e katula wiza kwikala na wantu kuti awaswefye ku luwembu lwawo.
ku luwembu lwawo! ku luwembu lwawo.

- 3 Wazi wakwe Yesu walipila wonsi, ukuwifya kwawo kuno wawifizye, kwakwe Leza wawo, kwakwe Leza wawo! kwakwe Leza wawo.
- 4 Yesu weni ali ni nkumbu ku wantu, Manda yons' akuti, zaji kuno mwensi muwe mwe wana 'ne, muwe mwe wana 'ne.
- 5 Pano aliyiza tuliwunganikwa, swensi pe weliwe, tuwaluwulula, vino twacitanga. vino twacitanga!vino twacitanga.

40. Praise Him! Praise Him! Jesus our blessed redeemer

- 1 Lumbulanji Yesu katula mupepwe Santulani indwimbo zya lukundo, Namwe mwe wangeli wonsi wa mwi yulu, mumulumbe a Mfumu intele. A mucemi akasunga wana 'kwe Kawasenda mu makasa yakwe.

Lumbulanji, Yesu a Mfumu ya maka, santulanji ulwimbo luzima.

- 2 Lumbulanji Yesu katula mupepwe Watuculilanga pa kalvari, We katula witu tukumusuwila, Mumulumbe wino wasayikwa. Cindikanji Yesukalanguluka, ululukundo lwakwe lusingila.

- 3 Lumbulanji Yesu katula mupepwe, na mwi yulu wakamucindika Yesu a Mfumu yitu ya muyayaya, mumuzwike kamba ka wufumu. Mumulumbe, a Mfumu ya nsi yonsi, maka nu wukankala a vyakwe.

41.

- 1 We muzimu muyane,
We muntu wacindikwa nu Leza nu katula,
twivwe sweswe m'zimu.
- 2 We m'zimu wa mwi yulu, we mulilo, we muza, we kufuta kwa wumi, twivwe sweswe m'zimu.
- 3 M'zimu tutungulule, wenj' ukafumy' imfinzi, wenji wavula maka, twivwe sweswe m'zimu.
- 4 We muntu watumilwe mu nsi nu yes' Imfumu mukutusansamusya, twivwe sweswe m'zimu.
- 5 Yoc' iviwiipe vyonsi Vya mu myezo ya wantu; 'Mpamba zyonsi zyuluke,
Twivwe sweswe m'zimu.

- 6 Zang' uwatukatusya pano twapona pansu,
tunyosezwe kwe wewe,
twivwe sweswe m'zimu.
- 7 Zanga uwasimpisye Wonsi wano wapotwa;
Tupepule indimi, Twivwe sweswe m'zimu.
- 8 Zanga uyavwe wonsi Wano wakulucila
'Kusimicila kwako Twivwe sweswe m'zimu.
- 9 Tusungange ku ciwa, Uwatupa insimpo
Ndi twatonta mu myezo,
Twivwe sweswe m'zimu.
- 10 Lek' ivikomwa vyako Viloleke mwe sweswe,
Ulukundo ni nkumbu,
Twivwe sweswe m'zimu.

42. *Cling to the bible, though all else be taken*

- 1 Wazyanga mazwi nanti kuwe vinji
yakulanjizye' ivintu vizima, yakakatusya
awantu mu tulo, yakawapa uwumi na maka

Wazyanga mazwi, wazyanga mazwi
A lukozyo lwitu mu nsi moo.

- 2 Wazyanga mazwi ya wuzi wukulu,
yakakatusya wano wapona,
Wiza wa mazwi wakula pe vyonsi
wazyanga pan' ucili nu wumi.
- 3 A lukozyo lwakwc wano wasowa, 'akap'
ilango na ku watici, ·akakwinula na wawembu
wonsi, ·a wakote wakawa na maka.
- 4 Leza tutule mu myezo mukasi
tuwasambilila mazwi yako, tupe na maka ya
kupoccelela, tuwe na maka ya kutontela

43. *Sing them over again to me*

- 1 Ndi tuwakwimbila mazwi, yano yakup uwumi.
Amazwi mazima nkani, yano yakup' uwumi.
Yakusambilizya lukundo ni nkumbu.
A mazima 'yakwe Leza Yano yakup' uwumi
- 2 Yes' akupa wons' amazwi, yano yakup' uwumi.
Suwilanji amazwi yakwe, yano yakup' uwumi.
- 3 Landan' amazwi mazima, yano yakup' uwumi.
Lekani awantu wivwe, yano yakup' uwumi. Leza
a lukundo. Akulonda wonsi.

44.

- 1 Twinjila mu ng'anda yako yoo Ku kukucindika,
we tata.
- 2 Uyize uyize mwakwe sweswe; Tukukulindilila
wewe.
- 3 Utwivwe pano tukukupepa; Poceselela malumbo
yitu.
- 4 Womesya, womesya, we tata, amawungwe ya
mu nsi yonsi,
- 5 Telefya, telefya wantu wonsi wano wakukonka
katula.
- 6 Tutule, tutule, Mfumu yitu, leka tukukunde
wenga nye.

45.

- 1 Tata witu twiza paa kwe mwemwe
Twize tusunkane ni Mfumu yitu.
- 2 Imyezo yitu, nayo nye a yinu, muyipwizisye
muyiyanie nkani.

- 3 Na minso yitu, nayo nye a yinu,
yawavwambisy' ivintu vin' ampela.
- 4 Na makasa yitu, nayo nye yinu, yale yawomb'
imilimo yinu.
- 5 Ni milimo yitu, nayo nye yinu, ndiyasamalile
mu nzila yinu.
- 6 Ni milomo yitu, nayo nye yinu, ndilandile
wonsi ilandwe linu.
- 7 Na makutwi yitu. Nayo nye yinu,
ndiyateyelezye amazwi yinu.
- 8 Ilelonye, tukuyipa kwe mwemwe, alyakuti
tuwe swe wantu winu.

46.

- 1 Twakuwunganila wewe
Tata zanga, we Mfumu, zang' utupepe.
- 2 Tata witu wa mwi yulu,
Yika yika, we Mfumu, utusunkanie.

- 3 Twatunjila wewe nyene,
Tata, tata wa luse, yivwa wawembu.
- 4 Tukukulilila wewe
Yivwa yivw' ukulila kwa wana wako.
- 5 Tukulolana mwalwe nye
Wenji wenji wamanya vya mu mwezo.

47.

- 1 Palamila mwezo wane
Kwe yes' e katula,
Uwamufukamila pe,
Ungawa nu wumi.
- 2 U lwito lwako we Yesu
Lukusansamusya
Wino wapotwa mu
myezo ndivino nene nye.
- 3 Nkasiwizwa mu luwembu.
Satana wamvinda, Ukuyilwila napotwa.
Niza kwakwe wewe.
- 4 Ininga yane a wewe,
We nkwela ya wumi,
Ndi nu kusinama, muno wizile umfwila.

- 5 Wasonzizw' insoni Yesu
Amuno wankunda,
'muwembu ndivino nene
Ndende nkucindike.

48.

- 1 Tata, uwanda wiza wuno a wa kupuza,
twiza mu ng'anda yako, twavwe tukulumbule,
Twavwe tukulumbule, zanga tupepe swensi.
- 2 Wawusolowozile kali. A wanda wako, twavwe
tuleke vinji vino tukuwombanga, swensi
imyezo Yitu ikwele kwakwe wewe.
- 3 Twayileta kwe wewe, tulanguluke
Mfumu, fumya ivya luwembu, tuswefezye mwe
Yesu, Zanga mu myezo yitu, yiwe amasyo yako.
- 4 Yiyula amakutwi twivwe amazwi yako,
tupocelele maka ya ku mizimu yitu, tuwalwila
isumo lyakwe katula witu.
- 5 Ngapano mazwi yako yalandilile monsi,
Awantu wonsi wivwe, witawe Yesu witu,
wonsi wano wikala mu wuzya wakwe ciwa.

49.

- 1 Iwungwe lililyonga, mweneco we Yesu,
walyimisile kali nu kusimicila, wizile mu nsi
moo, walinj' a mutele wazwisizye uwazi,
afwila swe wantu.
- 2 Iwungwe lya wa myiko, lelo ililyonga;
lili ni vya kutula, ivya nzila yonga, Imfumu
a yonga nye yino likutumvya, Klistu
akaliyemvya nu wiza wakwe nye.
- 3 Cingatenga awantu walole uwinji
Wa mawungwe waseke, swinya wazunguke,
Lelo mul' awatele, Yesu wawamanya,
Waliwazevya pa minso yakwe nye.
- 4 Iwungwe a lyi sumo, swinya nu
kuyimba ukuwa umutende wulipo
mukasi, wunowuliloleka, pano lilicimvya, vintu
vyonsiviwiipe, vino vili mu nsi.
- 5 E Leza mu wutatu akawa mwi wungwe
akalanda na wakwe wano wakamwivwa,
wantu wakwe watele, Mfumu twavwe naswe
Tuwe swe wantu wako, twize tuwe nawe.

50.

- 1 Awazima wano wakukundana, e katula witu
manda yonsi, akawavwa nu kuwasansamusya.
Wakuwanga na maka makulu.
- 2 Awazima wano wakukundana, wakapepwa na
mwi. Suwilo nye cingatenga nant: ndi wiza
wafwa walisunkana swinya mwi yulu.
- 3 Awazima wano awana wawo, wakaya kwe Yesu
mwi suwilo, Akawavwa we kalela mukulu, weni
walusya na wakwasi nye.
- 4 Awazima wano wakunda Yesu, milimo yawo
nanti yacepa, akawavwa wakakula mu wiza,
amuno akawavwa manda pe.
- 5 Awazima wano wakakwizuka, na pano wali ni
cimwemwe nye, awazima wano imyezi yawo,
ikaya kwe sing'anga mukulu.
- 6 Ndi milimo yawo yiza yasila,
Walisunkana nawe mwi yulu, Kuno wafumile
pano wizile, ku masyo mazima yamutende.

51.

- 1 We tata mulungamane, twivwange sweswe;
Sunganga wakundwe witu 'wapita.
- 2 Wa katula Yesu, uwawakolelela;
Uwawawaka mu kutonta konsi.
- 3 Nd' amalanda na matamyo vyawaponela;
Wasansamusye nu lukundo lwako.
- 4 Icimwemwe cako ciwe a maka yawo;
Ndiwakukunde wakulumbula pe.
- 5 We muzimu mutele, wasambilizyange wap'
ivyanzo vyakucimvizya vyonsi.
- 6 We tata mwana, muzimu, we Leza wenga;
Wapepe, wakolelele, watule.

52.

- 1 Tulumbule zambia twimbile
Tuwombebe ponga twivwane,
Twalwisya twacimvy' iviwipe,
Twazan' uwanangwa.
Swensi apaliponga.

2 Mwe liwuvi lya zambia,
Tuwombele pong' umutende, ndivino makanta
mwi yulu, Swe wanangwa swensi. Tuwe
apaliponga.

3 Swensi-nye swe wana wa zambia,
Swe wapepwa wa Mfumu Leza, Tuwapit'
umutende swensi, Swe wanangwa swensi.
Swe wanangwa swensi. Tuwe apaliponga.

Lumbulanji ... zambia, zambia witu
Apepe insi...zambia, zambia zambia
Mwe wanangwa muluhunga lwa muni.
Lumbulanji zambia swensi apaliponga.

53.

1 Imfinzi yapita impindi yasila,
'kuswepa kwakwiza kuno kusalila.

2 Uyivwe mapepo tatakulu witu, tupe ukuswepa
kuno kusalila.

3 Wewe we muzimu ukakwivwa wana wakulila,
uwasansamusya,

4 Uwatwivwa, tata, pano tukupepa,
Utusansamusye isuk' insi 'sile.

54.

- 1 Ukuswepa kwa mutondo, kwankatusya nene;
A wewenye, Leza tata, wansunga ku tulo.
- 3 Nkukupepa, nkuti Yesu, nsunga ku mipamba:
Untetele 'mawembuko leka mbawa nawe.
- 4 'Manda yonsi, m'zimu wako, wuwawa mwe
nene; untelefye nkole wewe, njize ndakulola.

55.

- 1 Uwe nani; kanonzi kwafita, mfinzi yakula;
Leza, wa nani, wakundwe wane wonsi
wapotwa, kavwa mukulu, zang' uwe nani.
- 2 Uwanda wila, nanti kuzimba, kuzevya
konsi kwazimanjika, vintu vinji vyonsi
vikasila, wenj' usisila, Mfumu, wa nani,
- 3 Mfumu zanga, utazyelenguka, wasambilizi
wawakozizye, avino nani, mfwila inkumbu,
utize unsye nenga, wa nani.
- 4 Nkulonda wewe ku mpindi zyonsi, amuno
wenji wavula maka; pasi winji uwalusya
wewe, mu mipamba yonsi wanga nani.

- 5 Nsinakutina walwani wane,
Pasi cimwi cino cingantamya, nanti
ngafwa, nzikwe na mu nkungwe,
ndiwazevywa swinya nd' uli nani.
- 6 We Mfumu, njavwa pano nalala, leka
indakusuwila wewe; ukuwala kwa mwi
yulu kwize, mu wumi na mu mfwa wanga
nani.

56

- 1 Mukundwe Yesu, katula, musanya wa wumi
wane, ivyo uluwembu lwane lutize
luwakucinga.
- 2 Pano nalal' uwusiku Muwili wane watonta,
Uleka njelenganisya cilizip' ukuwa nawe.
- 3 Uwawa nani manda pe, ntanga mbe nu wumi
nenga yikala nani mu mfinzi, nkutina imfwa nd'
usipo.
- 4 Nd' umwanako akuyimba, asuzile izwi
lyako, ale, tonsy' umwezo wakwe, a
wakusuwila wewe.

- 5 Sunga walwal' ilelo lyoo, Wazewezye
awayimvi, sansamusya
awafwilwe, uleke wakumanyisye.
- 6 Uyize utuzewezye,
Ndi twaziwuk' umutondo, tusuke twize
tufike mu mwitu mwi yulu momo.

57. *We have heard the joyful sound*

- 1 Twiw' ilandwe lizima, Yesu we katula.
sasyan' amazwi yakwe, Yesu we katula.
muwasenda ilandwe muye mu masi yonsi.
A lisundo lya Mfumu Yesu we katula.
- 2 Muwalamba induzi, Yesu we katula.
Muwasoka 'wawembu, Yesu we katula.
mukomozi e Yesu akuwalindilila, wasuke
wamuwele Yesu we katula.
- 3 Pepanji mu wuyimvi, Yesu we katula imfwa
yakwe a wumi, Yesu we mukuyimba mu mfinzi
lambilizyanji nkani,
Wand' awap' umusanya, Yesu we katula.
- 4 Kuzyanji 'izina lyakwe Yesu we katula.
Muleke wonsi wivwe Yesu wa katula.

Wumbulan' ikomolwa ku wawembu wonsi
pyu, Alyakuti watulwe Yesu we katula.

58.

- 1 'kana Yesu kakwasilwe, we Leza wa maka
yonsi; zyamucindisile, walazile mu musuwa.
- 2 Yesu a citalicilo ca kutalanjizy' uwumi, na
kanonzi nye akuti, "nda wana wize kwe nene."
- 3 Tata, twawaleka kuno Tukuwitila na minzi,
uwapocel' awana Uwap' umuzimu wako.
- 4 Leka awasole wako Wawakolelela wana;
uwawapepa manda pe, walika mazina yawo.
- 5 Wakund' ukwivwa malumbo;
Yano wana wakwimbila; Uleka naswe
tutumvye Tata, nu mwana, nu muzimu.

59.

- 1 Oko Leza tukulolana moo, Nkas' ukumanya
ivintalowa, lemasya ukunjavwa nene moo,
natonta, kankweyamile wewe.
- 2 Nkas' ukulelwa nawe monyemoo, tung'we
naw' ukung'wa kwa mwi yulu. Ndek' ivya
mu nsi vyonsi ving'wame, imanyicisy' inti,
natetelwa.

- 3 A mpindi ya kuzewela nkani; natewetelw' icakulya cako; wewe mbomesya, umpe insimpo mbacit' ivyakuti uwakunda.
- 4 Nsi nu wakunjavwa suka wewe, pasi winji uwa kweyamila, ampela, Leza, nawuzy' ampela indi nu kucindama mwe wewe.
- 5 Luwemb'a lwane, 'wutel' a wako' inkot' a zyane, uwum' a wako; nene natepwa, ndi ni cimwemwe, amuno wewe wamfwila nene.
- 6 Ukulya kukwizanga kupita, cikatwizusya ivya mwi yulu, nu wanda wa kuzewela pano tulisunkana nawe mu mwitu. .

60.

- 1 E katula, e katula ala pano wat' awafwa ati,
- 2 Nandi mbape, nandi mbape, nand mbape, umuwili wane;
- 3 Citolani, citolani, citolani icakulya. Mulye;
- 4 Yizukanji, yizukanji, yizukanji ukukunda kwane.

- 5 Anyamula, anyamula, ayamula, ulupindi, ati,
- 6 "wuno wazi, wuno wazi, wun wawazwila
mwemwe.
- 7 Ilayania, ilayania, ilayania lyaputuk'ilelo.
- 8 Imfwa yane, imfwa yane, imfw nandi
mfwile wonsi,
- 9 Kukufumya, kukufumya, kukufumya
uluwembu lwinu.
- 10 Muwacita, muwacita, wonyewoo,
njizukanji nene."

61.

- 1 Twakukulwa nu katula Tuli nu mutende penye
Walanjizya imfwa yako. Uliyipa, uliyiza.
- 2 Muwili wako watupa, Tukalola pa cakulya;
Cikunzi cako cakula. Uliyiza, uliyiza.
- 3 Ilil' impembe yalila, 'wa mu
nkungwe wakatuke, 'vino mazwi
yakutaka. Uliyiza, uliyiza.

- 4 Uwazi wako awuzwa, Ku kutula swe
wawembu, Tukalola pa vimpensya.
Uliyiza, uliyiza.
- 5 Uwomye imyezo yitu,
Twavwe tutay' ivya mu nsi,
Tukulindilile swensi, 'suk' uyize 'suk' uyize.

62.

- 1 Izewezyo mu eden, pa winga wakwe eve,
lili naswe kanonzi, litalowa nawo.
- 2 Pa winga uwutele 'wa monsi nu mucu, awatele
watatu wali naswe moo.
- 3 Ale, wa naswe tata, twazy' umwanaci wee,
Ndivino wawonzizye eve nu adam kali.
- 4 Wa naswe, we katula, leka wasyopole,
wape umwezo wonga wawa umutende.
- 5 Wa naswe, we muzimu, ale wapepe waa,
wakole Yesu Klistu, na wasolwa wakwe.
- 6 Wasungange, we Leza, uwapulumusye,
Wataya mu luwembu, uwawatelefyia.

- 7 Uleke wawacita ukulonda kwako, wasuke
wize wize mu mwitu mwi yulu.

63.

- 1 Ndi naya kwe Yesu, anganzewezya;
Angansansamusya pano nkuyimba.

Ndi naya kwe Yesu Nandi nsankane.
Akwita wana Ndivino nene nye.

- 2 Ndi naya kwe Yesu, angivw' ipepo angankunda
nkani; ampulumusye.

- 3 Ndi naya kwe Yesu, angantetesya
angankolelela ku nsi 'ntasila.

- 4 Kuno 'wana wonsi wazwal' intiswe ndi naya
kwe Yesu nani ndizwala.

64. *Come to the Saviour make no delay*

- 1 Zanj kwe Yesu, mutazimba, Mazwi
yakutulanjilizya Ali naswe, akutwita,
mwitawani zuwa.

Zewelani, twaya mwi yulu, tukasunkane
mwenemo nye, akutwalanga wana wakwe mu
nsi intasila.

- 2 Mumutontele win' akuti, lekan' awana wize
koo; aleni tumukunde Yesu, mutazimba, zanj.
- 3 Yelenganiani, ali paa, yivwani ntumi yakw'
ilelo; vino mazwi yakutaka, mutazimba, zanj.

65. *I hear thy welcome voice*

- 1 Nivwa izwi lyako, lino likunjita, kuti nkasambe
Mu wazi wakwe Yesu Klistu.

Inkwiza Mfumu. Nkwiza kwe wewe. mpwizya,
nswefya mu wazi, wuno wanzwizile.

- 2 Nanti nsi na maka, wambomesya nene. Nanti
imbe ne muwembu, wantelefya nene
- 3 We yes' akunjita ukuti mukole mu lukundo na
mu nkumbu, pansu nu kuzimu.

66. *Oh, precious words that Jesus said*

- 1 Yesu wavwanzile ati, uwiza kwe nene
Intalitela muwinge nanti awe wuli.
Nanti awe wuli, nanti awe wuli,
intalitela muwinge, nanti awe wuli.

- 2 Yesu wavwanzile ati, nene ne mulyango,
uwinjilila pe nene wawa nu wumi pe,
wawa nu wumi pe, wawa nu uwinjilila pe nene,
wawa nu wumi pe.
- 3 Yesu wavwanzile ati, zanga we usambilile kwe
nene. Nakup' umutend, nakup' umutende,
nakup' umutende, usambilile kwe nene.
Nakup' umutende.
- 4 Yesu wavwanzile ati, nacimvy' ivya mu nsi.
Wino akunkonka nene, nawe 'livicimvya, nawe
'livicimvya, Wino akunkonka nene, nawe
'livicimvya.

67.

- 1 Wino wazumila, wino wazumila, pa minso ya
wantu, nawe 'limuzumila pa minso yakwe tata
uwa mwi yulu.
- 2 Wino 'kumukana, wino 'kumuka pa minso ya
wantu, nawe 'limukana pa minso yakwe tata
uwa mwi yulu.
- 3 Wino 'kumukunda, wino 'kumukunda
Pa minso ya wantu, nawe 'li mukunda,
Pa minso yakwe tata uwa mwi yulu.

- 4 Mwe wa tata wamwi, mwe wa tata wamwi,
Nanti mumukane, wen'a Mfumu nkulu, akuwita
mwensi; ali mwi yulu.
- 5 Na mwe nye wa mayo, na mwe nye wa mayo,
Nant' mumukane, wen'a Mfumu nkulu, akuwita
mwensi; ali mwi yulu.
- 6 Mutatepucila, mutatepucila, mu vintu vya mu
nsi, Mfumu akukwita, akuwita mwensi; ali mwi
yulu.

68.

- 1 Zanzi kwe Yesu, akawita pe, zanzi mwe kwe
Yesu.
- 2 Mukucita ci wana witu mwe? Zanzi mwe kwe
Yesu.
- 3 Yesu wafwile, wiyul' inzila, Ya kuya mwi yulu.
- 4 Imfwa ilipo, tulifwa swensi, tulifwa tulale.
- 5 Awasuwizi walifyuka pyu, mu wazi wa mufumu.
- 6 Waliyinjila wonsi kwi yulu, ku Mfumu e Leza.

- 7 Walimulola Yesu mwi yulu, mu nsi yino nzima.

69. *Come to Jesus, He is waiting for you*

- 1 Zanga kwakwe Yesu, akukulindilila We muntu wasowesya, Zanga kwakwe Yesu.
- 2 Zanga kwakwe Yesu, akas' akukomole.
We muntu 'li mu wuzya, Zanga kwakwe Yesu.
- 3 Zanga kwakwe Yesu, akupocela vimwi, We muntu wang'wamilwa, Zanga kwakwe Yesu.
- 4 Zanga kwakwe Yesu, akas' akupe minso.
We muntu watonkoka Zanga kwakwe Yesu.
- 5 Zanga kwakwe Yesu, wand' akucinjilile.
We muntu watontesya, Zanga kwakwe Yesu.
- 6 Zanga kwakwe Yesu, akasi uwe nawe.
We muntu wakundikwa, Zanga kwakwe Yesu.

70. *Christ is knocking at my sad heart*

- 1 Yesu akasi njiyule umwezo wane, akulondesy'
ukwinjila ivyo mwiylile; mwezo wuli nu
luwembu, Swinya wusi ni cimwemwe.
Yesu akasi imwinjizye, ampe icimwemwe.
- 2 Si mutolelel' icete, swinya mwinjizye?
Akundwetela manda yonsi, ivyo mwiylile.
Angamp' ulukundo lupya,
Swinya ngampwizy' uluwembu. Wuzye
Cazip' ukumuwinga; ivyo imwinjizye.
- 3 Injiyul' umwezo wane, ndeke 'yinjile, nandi
imwinjizy' icete, naleka yikale. katula uwe mwe
nene, Mfumizy' iving'wame vyonsi; nandi
nsuke ndi nawa nawe. Yinjila mwe nene.

71.

- 1 Wee Yesu, wee yes' ilelo. Zanga, wee yes' ilelo;
Zanga. Wee yes' ilelo
- 2 Awankumbu, awankumb' ilelo,
Zanga awankumb' ilelo; Awankumb' ilelo.
- 3 Akukwita, akukwit' ilelo. Zanga akukwit' ilelo;
Zanga akukwit' ilelo.
- 4 Muzumile, muzumil' ilelo Zanga muzumil' ilelo;

Zanga muzumil' ilelo.

- 5 Tontolokwa, tontolokw' ilelo.
zanga, tontolokw' ilelo; zanga, tontolokw' ilelo.
- 6 Awankumbu, awankumb' ilelo.
Zanga awankumb' ilelo; Zanga awankumb' ilelo.
- 7 Luno longo, luno long' ilelo.
Zanga, luno long' ilelo; Zanga, luno long' ilelo.
- 8 Uzumile, uzumil' ilelo; Zanga uzumil' ilelo;
Zanga uzumil' ilelo.

72.

- 1 Wewe liwe lya wumi, imvwame mwakwe wewe,
wazi wako na minzi vino wanzwisizizeye,
vimpozye ku luwembu, imbe ne muntu wako.
- 2 Ku milimo mitupu intanga ntimye wewe, nanti
ngawomba nkani, indile na minsozi, vitanga
nswefy' umwezo, nkulonda wewe wenga.
- 3 Inkwiza makasavye ku wucingane wako,
ne musizye unzwike, Ne waye mfwil'
inkumbu, ne muwipe umpwizye, ntula ntize
mbe mu mfwa.
- 4 Pano niza nakwiza pa kuziwata mu mfwa, pa
kuya ku nsi yinji, leka njize nkulole, wewe liwe

lya wumi, Imvwame mwakwe wewe.

73.

- 1 Yesu mukundwe wane, leka njize kwe wewe,
vin' intalala yiza, kankungwe wakatuka; mfisa
nene katula, asuke alecesye; ntwala ukutekane,
tek' umuzimu wane.
- 2 Insi nu kwakuzina; ntanga njitule nenga nazina
utiz' unsye: nsansamusyanga nene,
nkakusuwila wewe, ukunjavwanga nene,
mfukatila icete pacifuwa cako nene.
- 3 Nkulonda wewe 'impela; wewe walusya wonsi;
Katusya awapone, sansamusya watonte, wenji
we muswepe mpe, nenji nsi ne mutele,
Ndi ni konta nkani nye, ukasimicilila pe.
- 4 Ukuntetela nene amawembuko yane lek' uluzi
lwa wumi luswefy' umwezo wane, Fununka
mwe nene, we liziwa litele; Leka nkom' ulusala,
nsuke njize nkulole.

74.

- 1 Nkukusuwilanga, we wa pa kalvari, tatakulu;

njivwa po nkupepa, untelefye nene; leka 'mbe ne wako manda yonsi.

- 2 Umbomesy' umwezo pa kutonta kwane, uncincizye; vino wamfwizile, ivyo nkukundisye 'cizima ndi wuli, Yesu wane.
- 3 Pano inkupita musinzo wane, Ukolele; Uwansansamusys, pano nd' uwulanda, utaleka nsowe, nkusye wewe.
- 4 Pano nati nafwa, nasililicila, uwa nani, Papo nye katula uyiz' unsimpisye; Uyize untwale mu mwako nye.

75.

- 1 Kweni kul' akaya kazima; Vyonsi viwipe, vyonsi viwipe, Vitanga vinjile.
- 2 We katula wane, we mwana 'kwe Leza; Unswefye nene, unswefye nene, Umpwizy' iviwipe.
- 3 Tatakulu, leka 'mbe ne wak' ilelo; Wew' uwansunga, wew' uwansunga kwe vyonsi viwipe;
- 4 Nsuke njize mfike ku nsi ya cimwemwe, nanti luwembu, nanti luwem imbawa nawe pe.

76. *Pass me not, O gentle Saviour*

- 1 Katula, utancilila, zanga untule ukulanguluka wangi, utancilila.

Yesu, Yesu, zanga untule. Ukulanguluka wangi, utancilila.

- 2 Leka imbe umutende, pa ndulu natonta, nkukulucila, zanga untule.
- 3 Mbawa nawe, tatakulu, nkukusuwila, wewe wenga ungampoza, we ng'anga nkulu.
- 4 Ntangazana winji, awe, wewe wayana; zanga Yesu, Mfumu yitu, tuwawa nawe.

77. *Jesus, my Lord, thee I cry*

- 1 Yesu, nkukulambilizya; ntula nu kutula kwako; nd' utanjavwizye nawafwa; nse nda wonyewoo.

Mpocelala nene nu luwembu lwane,
Nsi na mazwi nayamwi mpocelala wowo.

- 2 Natonta nu luwembu loo; Ntamany' ukucit' icete; nsi na mak' ukweleza; nsenda

wonyewoo.

3 Nkwelezyanga manda yonsi ukuyany' umwezo wane, 'luwembu lwane lwakana; nsenda wonyewoo.

4 Ndola nene, tatakulu; nalek' ukwelezya vyonsi; nkasi wew' uwancitila; nsenda wonyewoo.

5 Yesu, yikala papipi. Unkolelele pa nzila, inje nkafike mwi yulu; Nsenda wonyewoo.

78.

1 Leza tatakulu witu. Ukupepa awantu; ukusisipul' imyezo, naninye nsisipula. Leza we, umpepe, undungamike nene.

2 Tata we, utancilila, nanti ne muwembu woo! Nazipila ukulekwa, ukuwa mfwil' inkumbu.

3 Katula, utancilila, leka mbakuwacisya; Nkulucila icikunzi; uyiz' unjite nene.

4 Muzimu, utancilila! Ukap' intonko minso; ukuvwanjila e Yesu, ndandilanga ni vyakwe.

5 Natefilwe mu luwembu, nakusulanga wewe, Nakunzile ivya mu nsi, ntetela, untulisye.

- 6 Uli ni cikunzi wuli! icikulu watupa, utaluvile
inkumbu, ivyo imbaviwizya.

79.

- 1 Imfumu yane ya luse, we mucemi muzima,
ntanga nsowelwe nacimwi Amuno ali nani.
- 2 Akuntwalanga ku minzi Masengame mazima,
Akandela ni vyakulya Ku mulemvwe wa wumi.
- 3 Cingatenga naluvyanga wamvwamvile ku
londe, wansenzile ni cikunzi Wamfisyani
cimwemwe.
- 4 Ntanga ntine nanti amfwa, Amuno uli nani,
A wewe wansansamusya Nsonzo yako yantula.
- 5 Ukatewetela nene, nkumbu zyako zyakula,
nkasecelesya pa kung'wa Ku lupindi luyane.
- 6 Mu wulanzi wane wonsi, Usilek' ukunsunga,
leka nkulumbule pe nye We mucemi muzima.

80. *O happy day, that fixed my choice*

- 1 Walinj' awanda wuzima, pano nazanile Yesu;

'mwezo wane 'wusecela ukunena' 'Wantu
wonsi.

Kali nye! Kali nye! Wampwizizye mu
mwez moo; wansambilizy' ukupepa, nu
kusecela 'manda pe kali nye! Kali nye;
wampwizizye mu mwezomoo.

- 2 Yasila pyu imilimo! Ne wakwe Yesu, wankala;
wanjisile, nam' konsile, nkusecel' ukumutaka.
- 3 Nayipile kwe weliwe, ind' umutende nkaninye;
nkwikala, nsinakufuma, ndiwa ni vintu vizima.
- 4 Twalayine alyakuti mba musuwila manda pe,
intatela mucenjeze, ndila nafwa ndiwa nawe.

81. *The great physician*

- 1 Sing'anga ali papipi, We Yesu wa cilanda,
izwi lyakwe lya lukundo, likatusansamusya.

'Lwimbo lwitu luzima,
Lwalusya zinji zyonsi izina likundikwe,
Yes' Imfumu yitu.
- 2 Amawembuko yonsi pyu. Yatetelwa nu Yesu.

Umutende wa mu mwezo nazana mwakwe
Yesu.

- 3 Katula winji na wumwi, Nkandi e Yesu witu,
Umwezo wane wakunda izina lyakwe Yesu.
- 4 Tuliyimbila mwi yulu Pano tulimulola.
Ku ndulu tuliwataka Izina lyakwe Yesu.

82.

- 1 Leza 'lukundo; wakunda wantu; Leza 'lukundo,
wankundisya;

Teyelezanyi cimwemwe cane; Leza
'lukundo, wankundisya.

- 2 Nasovile mu luwembu lwane,
imba ne muzya wa muwipe;
- 3 Ngapano Yesu ayizantula,
Waleka nawa ne mwanangwa;
- 4 Muno a coo, nkumuwombela, nkumucindika
manda yonsi;

83.

I am so glad that our Father in heaven

- 1 Nakunda kuno e Leza, tata, wansambilizya kuno wankunda amazwi yakwe yakunzungusya e Yesu wakunda nene.

Nkusecela Yesu wankunda Wankundisya, wankundisya, nkusecela Yesu wankunda, wankunda nene nye.

- 2 Pano nkumusya, akunjizuka akumvwamba, amuno wankunda, imbwele nje ku Mfumu yane, amuno wen' acili wankunda.
- 3 Indiya nkamulole mwi yulu nu wulungamane wakwe wonsi, ulwimbo lwane ndiya nkwiimbila kuno Yesu weni wankundisya.
- 4 Yesu wankunda nani mukunde, wizizil' alyakut' ankomole, wafwile amuno wakundisya Namanya kuno wizil' amfwila.
- 5 Wamwi wakuti namanya uli kuno e Yesu wankunda nene? E muzimu wampanicisizya; Kuno Yesu weni wankundisya.
- 6 Nandi ndakwiimbila umutende

Amuno Yesu akumbomesya,
Satana atanga 'ncimvye nene amuno katula
wankundisya.

84. *Take the name of Jesus with you*

- 1 Send' izina lyakwe Yesu, We mwana wulanda,
likakusansamusya pe kuno waya usenda.
Izina lizima a lisuwilo lya nsi,
Izina lizima a lisuwilo lya nsi.
- 2 Send' izina lyakwe Yesu, Liwe a nkwela yako,
Nd' amelezyo yakwizila Ulambilizya Yesu.
- 3 Izina 'zima lya Mfumu likatup' icimwemwe,
Vyonsi vino vyazipila 'vitu mwi zina lyakwe.
- 4 Izina lyoo lyakula, lyalusya yanji yonsi; naswe
swensi ku mbalama tuliwamucindika.

85. *Blessed assurance Jesus is mine*

- 1 Namanyicisya Yesu wane! Nalola
ukucindamikwa! Wankomozile mu
kuyimba, wampwizizye mu wazi wakwe.
Luno a lwimbo, lwimbo lwane, luno nkwimbila
manda yonsi. yano a mazwi, 'mazwi yane,
nkucindamik' Imfumu yane.
- 2 Ndi nayipa nu mwezo wonsi; wand' ayikale

mwakwe nene, namanyicisya 'ngawa nani;
wandayilizya ukunjavwa.

- 3 Wul' umutende 'mwezo wane wansecelesya
Mfumu yane; nkusansamuka manda yonsi,
Wand' uwansunga manda yonsi.

86. *I'm not ashamed to own my Lord*

- 1 Nsi ni nson' ukuzumila yes' Imfumu yane.
Ukokonka mazwi yakwe na masundo yonsi.

A wazi, a wazi, wafumy' uluwembu
wandanjizy' ulukundo lukulu muno Leza
wankunzile nene lelo nkusecela manda pe.

- 2 Namanya izina lyakwe nkuyilumvya nalyo.
Atalitela ansovy'e wand' awansunga pe.
- 3 Nkusuwila maka yakwe yangambomya nene.
Nsuke mfike pa kupanzwa pano ndilufuma.
- 4 Ndi nene nkumuzumila pa minso ya wantu,
Na we alimpoccelela mu nsi ya mwi yulu.

87.

- 1 Natamikanga nkani nye, Navwambanga katula,
Uwakut' antek' umwezo, intatela muzane.

Nkulumbula namuzana Wino nalucilanga,
Yesu wampa umutende, Wankomola mu
wuzya.

- 2 Nalangananga manda pe, Nalyanga amapapa
'nzal' itatel'iputuke, Muno vyalinj' a vyavye.
- 3 Nazevyanga mu vinyali, Nayitamyangana wowo,
Kanonzi nazana Yesu watek' umwezo wane,
- 4 Kanonzi ndi ni cimwemwe, Amuno nacindama;
ndi nkwikala mwe weliwe, Ntalitela nsowelwe.

88. *When peace, like a river attendeth my way*

- 1 Nanti ndi nkupitanga umutende;
Nanti akuw' imipamba, Mwe vyonsi
ukunsambilizya kuno

Cazipa: cazipa mu mwezo,
Cazipa: cazipa mu mwezo,
Cazipa: cazipa mu mwezo,

- 2 Nanti satana 'ntamye na melezyo.
Ndi maka ni suwilo Kuno Yesu akundwetela
nene. Wafwizil' umuzimu wane.
- 3 Ku luwembu lwane, ndi ni cimwemwe,

luwembu lwane lonsinye lwasendwa pa muti
wucinganike. Lumvya Leza we mwezo wane.

- 4 Nene kanonzi na manda yonsinye ndiwa nu
Mutende wako. Nkulucila ukwiza
kwakwe Yesu, wino wamp' umutende wakwe.

89. *Rejoice in the Lord*

- 1 Zewelani mwe mu Mfumu, mwensi mwe wa
myezo mizima; wonsi wano wazumila,
sansamukani muzewele.

Zewelani! Secelani muzewle!
Zewelani! Muwazewela mu Mfumu!

- 2 Zewelan' amun' a Mfumu; Munsu yonsi na mwi
yulu, We katula wa nsi yonsi, Kateka
wakusimicila.

- 3 Lemasyani ukulwisya, Mucimvye awalwani
wonsi. Lemani vyanzo vya Mfumu; avino
mungacimvizya.

- 4 Mwaliwilizwa ni mfinzi: Mupela monsi
mwafitisya. Simpisyanyi mutatina; Ukuti
mucimvy' awalwani.

- 5 Zewelani mwe mu Mfumu; Mwimbilani mu

ndwimbo zyakwe. Mu mapango na mazeze, Na mu mazwi muwamutumvya.

90.

- 1 Mpalamile pakwe Leza wane,
Nanti a matamyo yandiwizye, indaya
nkwimbila.
Indaya papipi, ndaya papipi
kwakwe Leza.
- 2 Nant' imbe pa nzila mu mayonde
Nant' ingawa nenga mu mfinzi pe; nant' a mu
malanda.
- 3 Nd' a mapanda yiza yaloleka aya kukwelela
kwakwe Leza aliyiz' ansende.
- 4 Pa kukatuka kwa mwezo ndisunkana nawe Leza
wane, nanti ngatamika
- 5 Ndi katula wiza alinjita vya mu nsi ndivisya,
indapita indaya nkwimbila.

91.

- 1 Yesu a ciwuzwa citu, we katula wa nkumbu,

twasyuka muno tungaya. Kwe Leza mu kupepa.
Tukasumba umutende, tukawa na matamyo,
amuno tusilemasya ukupepa kwe Leza.

- 2 Wuzye tuli na mayimbo, wuzye kwawa
matamyo? Tutazipil' ukukoka twakana
tuwapepa. Wuzye kul' umusuwilwa, wino
walusya Yesu? We kalanguluka witu, Aleni!
Tuwapepa.

- 3 Wuzye twang'wamilwa nkani, Swinya wuzye
twatonta? Kavwa wenga tuli nawe, tuwapepa
kwe Yesu, Wuzye iviwuza vitu.
Vingatulecelezya? Tuwapepa kwakwe Yesu,
Wand' atusansamusye.

92.

- 1 Klistu we maka yane, We cifula ca wumi;
Utiz' untayalizye, Njavwanga ne mwanako.
- 2 Leka nkukunde wewe, Ntetela ne muwembu,
Ndakulumbula pe nye, Ulimpa icimwemwe.
- 3 We cifula ca wumi, Wenji ukap' uwila,
Njavwa ntay' ivya mu nsi. Umpe uwumi wako.
- 4 Nsuwile maka yako, Ndakutontela wewe,
Apana ndilufuma Ndiwawa umutende.

- 5 Pano niza nafika, Nasy'· umukonko wa mfwa,
Imfinzi nu kuyimba, Vitalimpalamila.
- 6 Uyize undanjizye Inzila ya mwi yulu,
Muno yes' akwikala Njize njikale nawe.
- 7 'Malanda yalisila Ntaliwa nu luwembu,
Ndizana icifulo, Ndi nikala nu Yesu.

93.

- 1 Uwapep' umutondo, 'wapep' umusanya.
Uwapepa manguzi, wapep' uwusiku;
Yanga nu mwezo wonsi, vya pansi sumbanga,
Pa mwak' uwafukama, 'wapepa ku mbali.
- 2 'Wakwizuka wawuyo na wakundwe wonsi;
Ndi wawa na walwani, uwawapepela.
Ngapan' uyipepela utaciyitumvye;
'wapepela mwe Yesu amapepo yonsi.
- 3 Ndi amasyo na yamwi ayakupepela pano mu
mwezo wako a mutele nkani.
Nga papo nye apano melengania yako ayafika
kwe Leza, wino akukwivwa.
- 4 Izewezyo nalimwi izima wakwe lyoo,
Lino tata 'kutupa' zewezyo lyi pepo!

Uwal' uli na m'landa, upepa kwe Yesu,
Uyizuka uwila wakwe Leza wako.

94.

- 1 Nasenda uwuncingane nandi imbakukonka
Nasya vyonsi ivya mu nsi ulimpa ivilusye.
Vino nkulondesya mu nsi a vilowe vyonsi pyu.
Indipwa ivya mwi yulu vino 'vya muyayaya,
- 2 Leza tata wa lukundo uwambomesya nene,
Muno wanji wakunseka nsansamusyanga nene,
Nant' awantu wangampata wapasile nu Yesu:
Wakasi mulecelezye uwizile amfwila.

95.

- 1 Kanang' iviwipe utawembuka,
Wand' uwe na maka ya kwita wanji
yicilizyang'ucimvy' uluwembu, Uwapepe
Yesu, wandi awakwavwa.

Wuzyanga Yesu wako,
Wand' awakwavwa wewe
Wakund' ukwavwa 'wakwe,
Wandi awakwavwa,

- 2 Lewuka wawipe na wa ntunsinye,
Pakatanga Leza Imfumu yako, wa nu mwezo

wupya,simpa mwe Leza, Uwapepa Yesu, wandi awakwavwa.

- 3 Wensi uwacimba alipwa kamba,
Ndi tukusuwila, twandi tucimvye,
E katula witu watuwomesya,
Uwapepa Yesu, wandi awakwavwa.

96.

- 1 Womb' umutondotondo, womba po lya fuma,
Kucili kutonsile, kuli uluza, womb' icisangalala,
pano Kul' ulumi, wombanga kwandi kwile,
twandi tupotwe.
- 2 Womba kutani kwile, utani utonte; ukupuza
kwakwiza, ale, wombesya; womba impindi
yonsi, Ngapawamanyikwa, wombanga kwandi
kwile, wandi uleke.
- 3 Womba kutani kwile ilanzi lyawila;
Wombanga kwawenzesya, 'impindi yapita,
Womba kusuke kwile imfinzi ikome, Uwombe
mu kafiinzi pa kumalizya.

97.

- 1 Mutize muwawomba iviwiipe; Mwenji

mwe wakwe Yesu, mwe wana wa Mfumu.

- 2 Yesu ali ni nkumbu swinya amutele;
Akasi awanakwe wakolane nawe.
- 3 Umuwipe alipo akuwalolela;
Akas' ukuwelezya nu kuwawembusya.
- 4 Mutawela iciwa, ukuwa catala
Kwe mwemwe ukukana amelezyo yakwe.
- 5 Mwakwe yes' e sokulu mul' amaka yonsi
Yano akas' awape mucimvy' umuwipe.

98.

- 1 Lwang' isumo manda yonsi. E Yesu a nkwela
yako. Uwalemasya ukulwa, Maka nu wumi
wakupa.
- 2 Totomel' inkumbu zyakwe walola pe weliwe.
Cilambu nu wum' a vyitu Ndi twandi
tuwamukonka.
- 3 Sumbanga vyonsi viwipe. Yeyamila pe katula
Suwila nu mwezo wonsi, Kuno Yesu
we lukundo.
- 4 Utize uti asipo Asipiluka mukundwe,
Usuwile ulilola Vyonsi vili mwakwe Yesu

99. *Take time to be holy, speak often with thy Lord*

- 1 Tontonganya ng' upakate sokulu,
Wa mwe weliwe, sambilil' ivyakwe
Kundana na wantu wakwe wonsi pyu
Mulambilizyange wand' akupepe.
- 2 Yany' umwezo wako insi 'kusila,
Yitesye ku mbali upepe Yesu,
Ndi wamulilila wandi akwavwe,
Wand' alek' umukole mu miwele.
- 3 Tecelela wand' akukolelele, utamwiwilila mu
ntazi zyonsi, mu kuzevya monsi na mu
Malanda Suwilanga. Utiz' uwapungana.

100. *Christian, walk carefully, danger is near*

- 1 Wakwe Yesu uwacincila pe,
Wulanzi wako a wa mipamba
Melezyo yakuliwilizizye,
uti unyocele mu luwembu.
- Uwacincila pe, Uwacincila pe,
Uwacincila pe utapona.
- 2 Uwasankana na mwe kankungwe
Nanti mupela mungafitisya,

Kwandi kuce vyonsi vifuntuke
Wand'uwalola katula wako.

- 3 Lambilizyanga pe, utapona
Utakwilila e katula Wino ali na maka mazima
A ya kukutula ku luwembu.
- 4 Lwang' isumo uliy' ukapuze.
Pano wiza wakwela mwi yulu,
uliyivwa izwi lya cimwemwe
Pano katula alikuwanzia.

101.

- 1 Wamusika wa Mfumu Lemasyani ukulwa,
musuke muwacimvye Awalwan' awa maka.
- 2 Mu nsi moo a muwipe, Tumpulani mpepelya,
mulek' iwapepela, Tumpulani nkani mwe.
- 3 Mu twaya twa wayimvi, Na wantamanya wonsi,
Kuye umusuwilwa, akawasambilizye.
- 4 Kuno kuli imfinzi Kuwal' insansamwenje
Kuno kukufitisya Yanga tata watule,
- 5 Wakupwelelecela,
Muwizusy' ivya Mfumu wano wapotwa nkani,

Muwawasambilizya.

- 6 Muwake awalanda, muwawasansamusya,
Mu maka yakwe Leza, Muvulunganie vyonsi.
- 7 Indembel' ipepele, mulemasye ukulwa isuke
insi yonsi iwe a yakwe Leza.

102. *Jesus bids us shine with a clear, pure light*

- 1 Yesu akasi swensi tuwale,
Ndivin' ulukozyo ulwa wusiku.
Mu nsi muli mfinzi ka tuwale
Wila muntu mu miwele yakwe.
- 2 Tatalike tuwe swe wazima,
Twamanya mu myezo ndi
Akulondesya sweswe tuzipe
Wila muntu mu miwele yakwe.
- 3 Ngapano tuwawala kwe wanji,
Amuno imfinzi ilipo mu'nsi,
Muli uluwembu na Malanda
Swensi tuwawala mu miwele

103.

- 1 Tokwani vita mwensi, cincilani mwe,

Klistu we musika, akukolela;
Sweswe awe watonte, akutuwomya,
Watalitucimvya pano 'li naswe.
Tokwani! Vita mwensi, cincilani mwe,
Klistu we musika, akukolela.

- 2 Ivita vya muwipe, twavinyatisya; wa Klistu,
tokwani! Tukavicimvye, ndi twapepa Leza,
vikatetema; pundisyani, musiname mwe.
- 3 Iwumba lyakwe Leza lyakula nkani; umwaya
watele, a mo tukuya tutapawunkana, swe
wakwe tukumusuwila, tukumuwela.
- 4 Wufumu wukalowa ni vya mu nsi nye
Nkand' uwakwe Yesu wukavisya;
'vita vikapotwa ukulwa nawo Yesu
watwandisya, asi ni nkota.

104.

- 1 Vita vyakwe Klistu, zwalani vyi sumo,
Muzane maka kwe Leza amuno we Yesu.
- 2 Simpani mwe Leza na mu maka yakwe.
Wino 'kusuwila Yesu angacimvya vyonsi.
- 3 Muwawa ni nsimpo mu maka yakwe nye,
Muwalwila manda yonsi ni vyanzo vya

Mfumu.

- 4 Lemasyan' ukulwa na mapepo mbali;
Nyatan' amaka ya mfinzi mulale mwa-cimvya.
- 5 Nd' uwuyimvi winu na vyonsi vyasila,
muliwamutumvya muno mwayanwa mwe Yesu.
- 6 Vita vyakwe Klistu, zwalani vyi sumo,
muzane maka kwe Leza amuno we Yesu,

105. *Revive thy work, O Lord*

- 1 Katusy' imilimo! Ale, yilanjizye
Ku wantu wako watele, vwanga wonsi wivwe.
Katusy' imilimo! Pano twafukana; yika,
tatakulu, yika, utupepe sweswe,
- 2 Katusy'. Imilimo! Kuzy' izina lyako!
Utonsy imyezo ya wantu wakukunde wewe.
- 3 Katusy' imilimo! Kolelel' ilandwe
lizipile wantu wonsi, pano wakulyivwa.

- 4 Katusy' imilimo utum' umuzimu.
Kucindama kuwe nawe! Sweswe tuwapepwa.

106. *There's a call comes ringing o'er the restless wave*

- 1 Kul' ulwito lwafuma kumbalama,
Letani ukuswepa. Kul' awantu

tukawapulumusye, letani ukuswepa.

Kuswepa kwi landwe lizima, kuwale konsi
konsi, kuswepa kwi landwe lizima,
kuwalile konsi nye.

2 Lyoo lizwi lya ku makadoniya, letani
ukuswepa. Twandi tutwale ni vyawila
vitu letani ukuswepa.

3 Ulukundo lwakwe Yesu lwize pe,
Tutwale ukuswepa, ni miwele yakwe Yesu a
ya pe tutwale ukuswepa.

4 Tutatonta ukuwomb' imilimo
Tutume ukuswepa. Tulonganye wakwinjila
kwe Yesu Tutume ukuswepa.

107.

1 We tata tupepe, uwe ni nkumbu pe, alyakut'
awantu wonsi wakukunde wewe,

2 Leka wantu mu nsi wawakulumbula
Mu ndwimbo zya cimwemwenye, amuno
We Leza.

3 Ulipanzu' icete, we Mfumu ya mu nsi, lek'
imyiko yonsi iwe ni cimwemwe nkani.

- 4 Yonsi vilimela mu nsi ya wulimi,
E Leza wand' atupepe, 'wantu wamuwela.

108. *Now just a word, your dearest friend so true*

- 1 We tengenene tuma umuzimu mu nsi vize
akwizy' ilandwe lyakwe Yesu mu nsi.

Mwe wa mu nsi mwensi pyu yivwani ulwito,
Mwitawe akawape wumi wuntasila,

- 2 Leka awantu wonsi wakucindamike,
wawakupakata pe, amuno we Mfumu.
- 3 Tata a nkumbu zyako kuno wapa Yesu kwe
sweswe swe wasowe 'kutupulumusya.
- 4 Tata, leka awantu wawakuwombela;
fumy' umwata wi yombo ku wasolwa wako.
- 5 Leza muyane kuzya uwufumu wako,
Leka wa mu nsi wonsi wawe wantu wako.

109. *Rescue the perishing, care for the dying*

- 1 Tulani awantu wano wakufwa, wafumyani mu
cizinji camfwa; wano watontesya

muwavwilizye; wawizizyani landwe lya
Mfumu.

Watulani wonsi; Wano wakufwa,
Muwawizizy' ilandwe lyas Mfumu.

- 2 Muwalindilila wano wazimba;
Wasuke wonsi watontolokwe tutawiwilila
wasocelani, muwatetele ndi wasuwila.
- 3 We satana ali mu myezo, yawo; kusampania
melengania ya Imfumu e Yesu angawatula, ndi
twawavwa wangatontolokwa.
- 4 Yavwan' awasowe wize mu nzila mufisy'
ilayilizyo lya Mfumu; na mu maka yakwe waye
kwe Yesu, Muwatetesye icete cete.

110.

- 1 E Leza mucemi wane ntaliwa ni nzala.
Akuntwalanga ku minzi masengame nkani.
- 2 Akuntwala pa mulemvwe nalwakwe
manda pe; akunkolezya mu nzila ntele
umutende, •
- 3 Cingaposya ndi napita mukonko wa
mfwa, ntandi mbatina nacimwi amun' uli nani.

- 4 Leza wane nsonzo yako ikunsansamusya:
ukuntewetela nene pa walwani wane.
- 5 Akupakanga umutwe wane na mafuta:
swinya ulupindi lwane lukulafukanga.
- 6 Pano ncili ne mupuma 'wutele wakwemba
Wuwe nani ni nkumbu Ndiwawa nu Leza.

111.

- 1 Umucemi witu ali ni nkumbu;
Tusinakutina nd' ali papipi.
Kuno walungama, tuwamukonka,
Mu lumpalang'ang'a, na ku mulemvwe.
- 2 Umucemi witu, twamumany' izwi;
Akula wavwanga atuwazevyu.
Pano 'kutupanzya a nkumbu ntupu;
Tukamwivwa wenga, sweswe swe wakwe.
- 3 Umucemi witu wazifwizile.
Ing'onzi, zyakwilwa nu wazi wakwe.
wazimanya zyonsi cimanyilo;
Ing'onzi zyozyonye, akut' a zyane
- 4 Umucemi witu akutusunga, nant' inkamp' iyize
swe. Wa mutende; Pano twiza twafwa,
tutalitina, amun' umucemi watucimvizya

112.

- 1 Yesu Mfumu, inkukwita pano malanda,
Utize unkankamule, muno nene ne muwipe;
Unjitawe, Mfumu yane.
- 2 Nsambilizya ukucimvya awatumwa wufi,
Wano wakwiza kwe nene ni vizwalo ivya
ng'onzi, Lelo wali ngat' a nkampu.
- 3 Leka nzenge pakwe wewe, we mfuzi wa
muyayaya; Ndi nazenga pakwe wewe intalitela
impone; Uliwa we maka yane.
- 4 Leka imbe mwakwe wewe, mu malanda na mu
ndwala, mumatamyo na mu mfwa nye, utize
umfutatile, Undeme ni kasa lyako,
- 5 Nene nenga ne mutonte, nsi na maka ya
kucimvya; Acaleka inkukwita, we wa maka
amakulu, zang' untule ne muwembu.
- 6 Unswefyezy, inzila yane pano nkwiza kwakwe
wewe: Leka nsambe mu cifula ica wazi wakwe
Yesu, Ngapano njize kwe wewe.

113. *Saviour, like a shepherd lead us*

- 1 Mukomozi, Mfumu yitu, swe vikwato vyako pe.
Tucemange swensi nengo utwinjizye mu luwa.

Yesu witu, Yesu witu, watukala tusunge,

- 2 Swensi nye swe wantu wako uwatukolela,
Fumy' insoni nu luwembu. vwambanga
Awasowe Yesu witu, Yesu witu. Yivwanga
amapepo.
- 3 Wandi utupoccelele nanti twawembukanga;
Amuno uli ni nkumbu izya kututetela. Yesu
witu, Yesu witu, utuswefye kanonzi.
- 4 Leka wantu wakuwele 'lelo nant ku zimba;
Leka wonsi wakukonke 'lelo na manda yonsi,
Yesu witu, Yesu witu, twavwe tukukundisye.

114. *Trust on, trust on, believer*

- 1 Suwilanji wasuwizi, nanti muyimbe
Muno muno; Leza wandi awawalwila.

Suwilanji, nanti kuwe wusiku;
Suwilanji kwati akuwaca.

- 2 Suwilanji, nanti amelezyo yavule
yawawazakazya, wandi awayafumya.
- 3 Leza ali na maka yakukomolela
Suwilanji mutize mumutayilizye.

115. *Simply trusting everyday*

- 1 Nandi ndamusuwila na mipapamba yane,
Nant' umwezo wutonte, nandi ndamusuwila.

Nandi ndasuwila pe, ndasuwila pe, manda pe
Nanti'mbe mu mipamba, nandi ndasuwila pe.

- 2 Muzimu ali nani akuwala mu mwezo ntandi
mulecelezye, nandi ndamusuwila.
- 3 Nandi ndamwimbilila, nandi ndamupepa pe
Napano ndi mwi tamyo, nand indamusuwila.
- 4 Nandi ndamusuwila, pano ncili nu wumi insuke
njize imfwe, nkikalange mwi yulu.

116.

- 1 Wumi wane wako Leza wasalipa, nu wumi wa
'nko zyane nye, wuli mwakwe wewe.
- 2 Usindecelezya, ukumbacisyanga mu malanda
na mu ndwala wewe unkansunga.
- 3 Intize natina, amuno ulipo; wewe tata
wankundisya; ukunsayilanga.
- 4 We Yesu wankunda, wizile umfwila;
Wacuzile muno nene, leka 'mbe ne wako.

- 5 wumi Wane wako: nkusuwila wewe; napano niza nafwa nye ulimpa uwupya.

117. *Count your many blessings, name them one by one*

- 1 Nd' amelezyo ni tamyo vyakatuka, nd' umwezo wako wafwa icipafi, uwazya ivizima conga conga, vikakwizusy' inkumbu zyakwe Leza.

Wazya vyonsi vyawila vyakwe 'vizima vino vyakwe Leza. Wazya vyonsi vyawila vyakwe vikakwizusy' inkumbu zyakwe Leza.

- 2 Wuzye wang'wamilwa ni sakamala? wuzy' uwucingane wakutalila? 'Vizima vikafumy' ukuvwilika ng' uyiz' uwakwimbila manda yonsi.
- 3 Ukala walola wanji ni mboto. Uti Yesu wandayilizy' imboto. Yino itangakalwa ni ndalama, imboto ya wumi wa muyayaya.
- 4 Kukal' ukuyimba kwakuponela utaluwaluwa, Leza 'li nawe; uwazya ivizima vyakwe Leza. Vikakuwomya pa m'sinzo wa wumi

118.

- 1 Uwanda wil' ilelo mupela mwafita Inkulucila nkani uwanda wuzima

Pano kuliswepa mpe, kutaliw' imfinzi
Kuca kuli papipi lez' ali naswe.

- 2 Cifula ca lukundo, weliwe nye Yesu, nding'wa
mwakwe weliwe, aminzi ya wumi, ntaliwa nu
lusala. Ndiwaw' umutende. Pano niza nawafwa,
aliwa nani.
- 3 Yesu wankunda nene, nani kamukunde.
Kantola ne mulanda. Akambelezya pe.
Ntalimulecelezya, pano ndi nu wumi.
Nsuke njize mulole ndamuwombela.
- 4 Ukuyemba kwa mu nsi kukantepucizya. Ntize
ndasakamala, e yes' alinjemvya
ntaliwafwilimana, amuno wamfwila. Ali nu
wukankala e yes' Imfumu.
- 5 Weni ali ni nkumbu, wamfumy' uwulanda.
Wayifimile ku mfwa, amuno wankunda.
Ndamusuwila, nsuke njize mfike. Pa
kupanizizwa pano ndiwamulola.

119.

- 1 Wakolelelange pe wasungange. Tutangamanya
cino wangatola: uwawafukatila pa cifuwa.

Wakusow' inzila, kolelanga.

Pano wakukupepa uwawivwa, wapwizye
iviwipe vyawo vyonsi, uwawapisy' icete mu
mavunje, na mu kwelezwa kwawo wanga nawo

- 2 Twawapa kwakwe wewe musunzi mu nsi mul' a
malanda wap' insimpo, Utize uwawasya, we
katula. Uwawapocela mu lukundo.

120.

- 1 Tukuzevya tukupita, nga tukulungama kwi?
Wuzye tukumany' inzila, yino tuli mwenemo?
Tukuzevya tukupita, nga tukulungama kwi?
(nyochezya.)
- 2 Tukuzevya tukupita, wulanzi, wukucepa
wila muntu aliyitwa, alisendwa
tukuzevya tukupita, nga tukulungama kwi?
(nyochezya.)
- 3 Tukuzevya tukupita, nga tukulangama kwi?
Twandane tutontolokwe, twize tuye mwi yulu,
tukuzevya tukupita, wuzye Twatontolokwa?
(nyochezya.)
- 4 Tukuzevya tukupita, imfwa yapalamila
isitulayizya sweswe, mwe alani twandane,
tukuzevya tukupita, imfwa yapalamila

(nyochezya.)

121. *Holy spirit, faithful guid*

- 1 Leka njize kwakwe wewe, Muzimu mutel'
unjavwe!' Nkolelel' icete cete, Pa musinzo mu
mavunje: Mwezo wane wusankane pakwivw'
izwi lya nkumbu, we muntu musowe zanga!
Nandi ndakukolelela.
- 2 Ukwavwa kwako we Mfumu; Kwen' a kwa
kusimicila Utaleka tuvwilike, nu kupita mu
mfinzi pe. Ndi cipunga calemasya myezo yitu
yatonta, We muntu musowe zanga! Nandi
ndakukolelela.
- 3 Pan' imilim' ilisila Tulizana ukupuza;
'tuliwatumvya Imfumu: 'Mazina yaliwalikwa:
vyonsinye vizimanjike Mu wazi wakwe Yesu,'
We muntu musowe zanga! Nandi
ndakukolelela.

122.

- 1 Iwumba kul' alifuma Muwuzya mu wulanda
Walinji na wana wawo; Wayanga ku nsi nzima,
Awacece awatamika nkani.
- 2 Awana walamb' uluzi, awafika mu kanani;
awakwikal' umutende awamal' umusinzo;
awacece awamulumbulisya.

- 3 Yesu watufwila sweswe, watupoka ku ciwa,
tuwe wa wana wawonye, Tuwe swe wa
musinzo; Tuwapita nawe mu mayonde pe.
- 4 Tulila twalamb' uluzi, tulilolana nawe,
tuwawomba na watele, tuwapuza nawo pe;
Swe wacece tulikundwa nkaninye.
- 5 Ndi twiza twafika pa mfwa uleka tutatina.
Utulamvye umutende, utiz' uyiz' utusye,
amang'wimbi ayatwavwa icete.

123. *God be with you till we meet again*

- 1 Leza awakusung' icete! Twembe twize
tulolane; awakukolelela pe, Leza awakusung'
icete!
- Twembe twize tulolane, Twize tulolane;
twembe twize tulolane, Leza awakusung' icete!
- 2 Leza awakusung' icete! Awakuwomesya nkani;
Uwacimvya awalwani; Leza awakusung' icete!
 - 3 Leza awakusung' icete!
Pano watol' imipamba aleka uwa ni nsimpo;
Leza awakusung' icete!

- 4 Leza awakusung' icete awakutinizya imfwa;
Akup' icikunzi cakwe: Leza awakusung' icete.

124. *There's a land that is fairer than day*

- 1 Tukuya ku nsi mbal' intele,
Nanti tusinakuyilola twamanya tukuti ilipo,
E Leza akutuyanizya.

Tuliwalolana Mu nsi nzima yino yawala,
tuliwakwikala Nu tata nu Yesu 'mukundwe.

- 2 Tuliwakwimbila mwenemo indwimbo nzima
zya watulwa; mus' a malanda na malosyo
tutalitela tutamike.

- 3 Tuliwamulumbul' e Leza wino akutupanga
vyonsi watupa nu yes' e katula,
akutuzewezyanga sweswe.

125.

- 1 Pali'nsi yalusya yoyo, intele! intele!
Yino isi na malanda, intele! intele!
'Ndwimbo zyizula mu muza, intumi zika
zwalila, Ni ng'anda nzima nkani nye, intele!
Intele!
- 2 Kun' imipamb' isipona, kulya nye! Kulya nye!
Minsozi yasilakata, kulya nye! Kulya nye!
Wakang'wa minzi ya wumi, lolani mpumi: a

Mfumu, Ni nsansamwenje zyakwe nye,
kulya nye! Kulya nye!

- 3 Nanti swe wawembu swensi, tungaya!
Tungaya! Atalitela 'tuwinge, tungaya! Tungaya!
Tungapwizwa iviwipe, tungawa umutende pe,
'muno Yesu watufwila, tungaya! Tungaya!

126.

- 1 Mu nsi moo tukuyimba swinya tukusyananga,
ukuwa mwi yulu, tuliwazewela, tuliwazewela,
tuliwazewela nanti kupawunkana.
- 2 Wano wakunda Leza waliya ku nsi nzima
wakimbilange pe.
- 3 Na wacece waliya wano wakumukonka 'wa mu
twaya tonsi.
- 4 Na wasambilizya nye na wakundwe witu nye
wataliwasyana.
- 5 Ye tulikunda wuli, ndi twalola katula e Yesu
klisitu.

- 6 Tuliwakwimbilisya nu kulambilizya nye pa minso ya Mfumu.

127.

- 1 Tulila twafwa twinjile ke tukikalang' umutende uwulanda witu wulisila pyu tuliwa ni cimwemwe.
Tuliwakwizya na wakundwe witu,
Tulizewelana nawo tuliseka.
- 2 Tulilola yes' e katula witu Alitukukula swensi,
Tuliwakwizya na wangeli wakwe, Tuliwa nu wulanzi.
- 3 A matamyio yonsi yaliputuka, Nkand' umutende wutupu, Mwe aleni, tukonke e katula Wand' atulambye insi.

128. *When all my labours and trials are o'er*

- 1 Indifwa ndale nsule utwinji, ukuwa 'ndipita ukuzimu. Inkikalange nu tatakulu, alimp' uwumi wa muyaya.

Indiwa nu wukankala,
Indiwa nu wukankala,
Ndiwalola Yesu uwa nkumbu

Indiwa nu wukankala wonsi. '

- 2 E tata "ya nkumb' alimpa masyo, pano indifika ukuzimu. Ndiwamulola nu kumulumba Nu kusecela nawe manda pe.
- 3 Ndizana wakundwe wane wonsi; indiwa ni cimwemwe nkaninye. Ntalitela mpawunkane nawo, amuno kweni kusiwa imfwa.

129. *There is a land that is beautiful*

- 1 Kuli insi nzima mwi yulu,
Yaswepa, ikazikimila 'watele wakuya mwenemo Nani nye kambaya kweneko.

Kambaya, kambaya, Naninye kambaya kweneko. Kambaya, kambaya. Nani nye kambaya kweneko.
- 2 Kuli insi nzima mwi yulu kuno watele wakuzevya, a walungamane wasifwa nani nye kambaya kweneko.
- 3 Kulip' ukuswepa mwi yulu Kuno kusionilicila, Wasuwizi wano wakuya, Wakwitwa awalungamane.

- 4 Kuli umutende mwi yulu kwakwe wano
wakusuwila walilola ukuswepesya
Waliwazewela mwenemo.

130.

- 1 Wamalizya umusinzo wako; ilelo lyoo
wasul' utwinji, lambalala utand' uwatama;
ukupuza kusuke kufike.
- 2 Wakolela 'luwembu lwasila; wakukulwa ku nsi
ya cimwemwe, we musili tola u mukundwe,
umusunge asuke ayitwe,
- 3 Tatalosya awakundwe witu, walinyoka po
Klistu wakwiza: na kanonzi
akusansamusya! Wakulosya, akuti, zevyanji.

131.

- 1 Njavwa nene, leza m'kulu, Ukupita mu nsi moo;
Natonta, uli na maka; Ndema ni kasa lyako:
Ndela nene, ndela nene Pano ncili nu wumi.
2. Leka ndole icifula ca wazi wakwe yesu;
Lek' iwingo liwanjavwa, Ni cenje uwusiku;

We wamaka, we wamaka, Uwambomesya nene.

3. Pano inkulond' ukufwa, Utiny' intete zyane
Wewe wayilusya imfwa, Undamvisye kwe
wewe:
Nkulumbula, nkulumbula, na malumbo
mazima.

132.

1. Mwemwe wana wa mfumu, aleni, yimbilani; Na
pa kuya mwi yulu mwize muwazewela.
2. Tukupita mwitu kuno watata waya,
Kanonzi wakuzevya, naswe tuliwazevya.
3. Namwe pundililani, mulipuza pa ndulu;
'wufumu ni vilambu vikutulindilila.
4. Mwe wana wa kuswepa punamilan' akaya;
Kuno tuliwawa pe tulilola e tata.
5. Wanji mwe, mutatina pa kusya ivya muni;
E yesu e katula akuti. "zansi mwensi."
6. Tata, tukusecela pa kusya ivya mu nsi kakolelela
witu, leka tuwakukonka.

133.

1. Kulila kutupu kutanga kunkomole.
Nant' akufumy' intete ni mfinzi nu ku yimba
vitanga visile

E yesu wamfwizile

Pa muti wucingane. Wafwile ku kuntula ku mfwa ya muyaya

2. 'milimo mitupu itanga inkomole, itanga nswefy' umwenzo, nant' amapepo yane, ntanga 'mbe ne mwengu.
3. 'kwikala kutupu kutanga kunkomole. Ndi nkulayizya wowo, ntanga njize intulwe ku luwembu lwane.
4. 'suwilo litupu 'lino lingankomola, yesu unjavwe nene ku kusuwila vyonsi vino wancitila.

134.

1. Yesu tum' u m'zimu, Wusambilizye awantu.
2. Swenji tukulila, Uwatufwila inkumbu.
3. Kasunga wa wantu, tusungange Swe wawembu.
4. Yesu tum' umulilo, Wize woce iviwiipe

5. Mwana wakwe leza, lala watupoka sweswe
6. Kalela wa wantu, lelanga uwufyo wako.

135.

1. We leza uli ni nkumbu Ukansunga nene,
Nenji nasowa nkani nye, Mu lukundo lwako.
2. Pano indi mu matamyo Wewe ukandola.
Ukanjavwa pano ntani Nkulilile wewe.
3. Ntanga mbazye ivyawila, Vino ukumpanga.
Ukufuma ku wucece, Kufika ni lelo.
4. Pano ncili ne mutici, Napitanga mwalwe

A wewe nye wansunganga, Nafika ku wuntu.
5. Mu kufwa na mu wuyimvi, Wand' ukansayila,
Mwe vyonsi ivya kutinya, Ukantek' umwezo.
6. Ku kulwala kwane konsi A wew' ukampozya. Na
mu luwembu lwane nye, A wew' unkatusya.

7. Vyawila vyako vyavula Vis' a vya kuwazya,
Inkakusalifya wewe, Ku wuzima wako.
8. Pano indi mu mipamba Ntandi nkulacile,
Nandi mbakulumbulisya, Mbacindika wewe.

136.

1. Muvwanjilanj' e yesu! Mwe vita vyakwe nye,
Tumpulan' indembela mutayilovya mwe.
Wand' awakolelela imisika yakwe, Asuke
awacimvye awe mfumu wenga.
2. Muvwanjilanj' e yesu yitawakalwanji na
walwani, vino akuwita mwe wonsiwonsi
yanji, mukawalwisyange mutawa ni cipafi,
muwawa ni nsimpo.
3. Muvwanjilanj' e yesu, mutayisuwila, ye
mwandi muwanyatwa, na wantu wonsi nye.
Lindilanj' ukupepa, muwamulolela, akala
kuno leza wawatuma 'muya.
4. Muvwanjilanj' e yesu! Isumo lyalowa mu nsi
a mwakulwa pe, mwi yulu mutende. Wino
wakunda yesu akumuwelesya, aliwa nu
wufumu, wuno wusisila.

ACKNOWLEDGEMENTS

May I first of all thank the Almighty God for making this hymn book collection and arraignment possible.

Secondly I would like to thank the following people for their editorial contributions towards the production of this hymn book;

- Rev.Mutambo Area Bishop for Nakonde,
- Preacher F. Simwizye from Chawama Branch Lusaka

I would like to extend my sincere gratitude to the Arch Bishop of Zambia and National Executive Committee of the African National Church for their support and approval of the production and publication of this hymn book.

Revision and addition to this hymn will continue from time to time, those who wish to contribute towards future reproduction of this hymn can contact the print and media department, African national church Head office.

PREACHER. S. SIMFUKWE,
DIRECTOR PRINT AND MEDIA
AFRICAN NATIONAL CHURCH OF ZAMBIA.